

四庫全書

子部

欽定四庫全書

冊府元龜卷九百四十一

詳校官中書臣賈鉞

侍讀臣孫球覆勘

總校官庶吉士臣何思鈞

校對官庶吉士臣毛鳳儀

謄錄監生臣桑英

欽定四庫全書

冊府元龜卷九百四十一 宋 王欽若等撰

總錄部

殘虐

酷暴

殃報

殘虐

夫敢行暴虐商書所誡虐用其民魯史為刺稽乎前志
惡莫大焉若乃含殘忍之心懷虺蜴之性或內專柄用
或外負威權恣睢自任賊殺無辜聚黨蓄兵橫行天下

乘亂以報私忿投隙以窺大器殺人而滅口誘致以求財毀發丘墳剝斷支體以至乎害其姬妾坐及隣伍懲音律之小誤責言辭之微失置之以死不其甚歟所以人心不附軍務是離自陷刑辟終貽傾覆者良有以也盜跖魯人日殺不辜肝人之肉暴戾恣睢聚黨數千人橫行天下

漢項羽自立為楚王封諸王皆就國韓王成以不從無功不遣之國更封為穰侯

穰南陽縣也

成令張良送漢王至

褒中良歸至韓聞項羽以良從漢王故不遣韓王成之
國與俱東至彭城羽殺成

張不疑嗣封留侯孝文五年坐與門大夫殺故楚內史

當死贖為城旦

門大夫侯之屬官也

單德封昌武侯孝武元朔三年坐傷人二旬內死棄市

削戶六百

王莽封新都侯既就國杜門自守其中子獲殺奴

獲者莽子

之名也今書本有作護字者流俗所改爾

莽切責獲令自殺莽居攝翟義起

兵莽發義父方進及先祖塚燒其棺槨夷滅三族誅及
種嗣至皆同坑以棘五毒并葬之司威陳崇奏行功侯
光私報執金吾竇况令殺人况為收繫致其法莽大怒
切責光光母曰女自眠孰與長孫中孫

長孫中孫莽子
宇及獲也皆為

莽所殺故云
然中讀曰仲遂母子自殺及况皆死初莽以事毋養嫂
撫兄子為名及後悖虐復以示公義焉

不舍光罪
為公義

赦天

下書曰方出軍行師敢有趨謹犯法者輒論斬毋須時

趨謹謂趨走而
謹謹也須待也

盡歲止

至此歲
盡而止

於是春夏斬人都市百

姓震懼道路反目又翟義黨王孫慶捕得莽使太醫尚

方與巧屠共剝剝之

剝剝也音枯

量度五藏

度音徒各反

以竹筵

導其脉知所終始

筵竹也音庭

云可以治病

後漢董卓為相國虐刑濫罰睚眦必死群僚內外莫能

自固卓嘗遣軍至陽城時人會於社下悉令斬之駕其

車重載其婦女以頭繫車轅歌呼而還及逼天子都長

安卓嘗至郿行塢公卿已下祖道於橫門外卓施帳幔

設飲誘降北地反者數百人於坐中殺之先斷其舌次

斬手足次鑿其眼目以鑊煮之未及得死偃轉柩案問
會者戰慄亡失七箸而卓飲食自若諸將有言語蹉跌
便戮於前又稍誅關中舊族陷以叛逆時太史望氣言
當有大臣戮死者卓乃使人誣衛尉張溫與袁術交通
遂笞溫於市殺之以塞天變又中郎將牛輔卓之子壻
素所親信使以兵屯陝輔分遣其校尉李傕郭汜張濟
將步騎數萬擊破河南尹朱雋於中牟因掠陳留潁川
諸縣殺畧男女所過無復遺類又遣將徐榮李蒙四出

虜畧所得義兵士卒皆以布纏裹倒立於地熱膏灌殺

之卓聞袁紹起山東乃誅紹叔父隗及宗族在京師者

盡滅之

獻帝春秋載太傅袁隗太僕袁基術之母兄卓使司隸宣璠收之母及姊妹嬰孩以上五十餘

人下獄死卓別傳曰悉埋青城門外東都門內而加書焉又恐有盜取者復以屍送郿藏之

李傕郭汜董卓將也及卓之死傕汜等以王允呂布殺

卓皆并州人故忿怒之并州人在軍者男女數百人皆

誅殺之傕又因會刺殺樊稠於坐

傕見稠果勇而得衆心疾害之醉酒潛使

外甥騎都尉胡封於坐中拉殺稠

繇是諸將各相疑異傕汜遂復理兵

相攻

袁術初僭號以吳俊為陳相術軍衆饑因就俊求糧俊疾惡術初不應答術怒密使人殺俊

晉王愷為後將軍與石崇以豪侈相尚愷嘗置酒王敦與王導俱在坐有女妓吹笛小失聲韻愷使毆殺之一坐改容又使美人行酒客飲不盡輒殺之

孫秀初為琅邪小吏累官於趙國以諂媚自達趙王倫既篡逆秀執機衡倫素庸下無智策復受制于秀秀之

威權振於朝廷天下皆事秀而無求於倫秀遂恣其姦
謀多殺忠良以逞私欲司隸從事游顥與殷渾有隙渾
誘顥奴晉興偽告顥有異志秀不詳察即收顥及襄陽
中正李邁殺之厚待晉興以為已部曲督前衛尉石崇
黃門郎潘岳皆與秀有嫌竝見誅於是京邑君子不樂
其生矣

吳畿者平陽太守宋胄所親也李矩為本郡督護胄欲
以畿代之矩謝病去畿恐矩復還陰使人刺矩會有人

救之故得免

宋劉彤穆之孫也嗣南康公孝武大明四年坐刀斫妻奪爵土

梁侯景仕後魏為司徒南道行臺景性猜忍好殺戮刑人或先斬手足割舌剗鼻經日方死又曾於石頭立大春碓有犯法者擣殺之

陳留異梁代為蟹浦戍主歷晉安安固二縣令侯景之亂還鄉里召募士卒東陽郡丞與異有隙引兵誅之及

其妻子

後魏宋鴻貴為定州平北府參軍送兵於荊州坐取兵絹四百疋兵欲告之乃斬十人又生斷其兵手以水澆之然後斬決尋坐伏法時人哀兵之苦笑鴻貴之愚

北齊盧宗道行南營州刺史性麤率任俠將赴職於督亢坡大集鄉人殺牛聚會有一舊門生酒醉言辭之間微有疎失宗道遂令沈之於水後坐酷濫除名

魏收文宣時為太子詹事娶其舅女崔氏產一女無子

及魏太常劉芳孫女與中書郎崔肇師女夫家坐事帝
竝賜收為妻時人比之賈充置左右夫人然無子後病
甚恐身後嫡媵不平乃殺二姬及疾瘳追憶作懷離賦
以申意

隋于顓初仕後周為東廣州刺史尉迥之反也時總管
趙文表與顓素不協將圖之因卧閣內詐得心疾謂左
右曰我見兩三人至我前者輒大驚即欲斫之不能自
制也其有賓客候問者皆令去左右顓漸稱危篤文表

往候之令從者至大門而止文表獨至顛所顛歛然而起抽刀斫殺之因唱言曰文表與尉迥通謀所以斬之其麾下無敢動者時高祖以尉迥未平慮顛復生邊患因而勞勉之

唐王世充初仕隋為江都通守既叛後據東都衆心日離乃嚴法峻制家一人逃者無少長坐為戮父子兄弟夫妻許其相告而免之又令五家相保有全家叛去而隣人不覺者誅及四隣殺人相繼其逃亡益甚至於樵

採之人皆有限數公私窘急皆不聊生又以宮城為大獄意有所忌即收繫其人及家屬於宮中又每使諸將出外亦收其親屬質於宮內囚者相次不減萬口

朱粲隋末僭稱楚帝聚衆二十萬軍中無所虜掠乃取嬰兒蒸而噉之因令軍士曰食之美者寧過於人肉乎但令他國有人我何所慮即勒所部有畧得婦人小兒皆烹之又稅諸城堡取小弱男女以益兵糧隋著作佐郎陸從典通事舍人顏愍楚因譴左遷合家竝為所噉

槩竟斬于洛水之上士庶嫉其殘忍競投瓦礫以擊其屍須臾封之若冢

薛舉為賊帥性殘忍每殺人多斷舌割鼻或碓擣之其妻麴氏性又酷暴好鞭撻其下見人不勝痛而宛轉於地者則埋其足纔露腹背而捶之繇是人心不附

薛仁果舉之長子也多力善騎射軍中號為萬人敵然殘忍貪冒財貨初拔秦州召富人磔於油火之上或以醢灌鼻或杖其下竅以求金寶舉每誡之曰汝之才力

辦我家事然性多猜忌與物無恩終當滅吾宗社舉死
嗣立諸將以其年少心多不伏兵勢漸離以至於敗斬
於長安籍沒其家自起迄敗父子相繼五年而滅

高真行為左衛將軍子岐為太子典膳丞高宗以皇太
子賢陰謀事洩廢為庶人岐事連於賢帝令付真行自
訓責之岐入門而真行以佩刀刺其喉真行兄戶部侍
郎審行又刺其腹真行兄子琬斷其首而棄之街中帝
知不悅貶真行為睦州刺史審行為渝州刺史

于敏為太常丞司空平章事頌之子憲宗元和八年敏
殺人王再榮告頌與梁正言錢以謀出鎮初梁正言貪
詐自擅勇於射利梁守謙方知樞密正言每詭謂人吾
與樞密宗盟分至頗得關說頌久失職惑其言厚致財
賄以圖任用其後正言之詐漸露敏責其資於市邸誘
致正言僮奴支解棄於溷中會再榮發其事故敗

樂從訓魏博節度彥貞之子也天資悖逆王鐸自滑移
滄過魏郊從訓見其女妓利之伏兵於漳南高雞泊伺

鐸至圍而害之畧其所有時朝廷微弱不能詰

梁成汭為荆南節度使汭長子嘗有微過汭手刃之竟

絕嗣焉

後唐陳延嗣魏人也末帝清泰二年知鄴都留守劉延
皓言汭州部送殺人賊陳延嗣至推劾伏罪與妹夫李
漢唐及妹妻竝棄市初延嗣自稱父任石州刺史偽稱
長史司馬與漢唐俱鮮潔車服以飲博為務所至州府
視有資裝可圖者與之交游漸誘至居第陰斃之去年

冬僦居於魏州有月傭同其事偶一日繼殺二人不時而死延嗣狼狽懼聲聞于外使月傭往諸處延嗣乃移家于汴所使張進者使酒詬舍主遽言延嗣殺人無幾舍主懼白坊正執訊乃稱今年四月事陳延嗣同三人取其資財所司掘屍於其室獲屍數十往汴捕獲延嗣漢唐言自居魏州所殺四十餘人竝與妻妹漢唐同謀害之又於石州捕延嗣母母至叱延嗣曰爾父殺數百人死於牖下不肖子所殺纔過百人而累家唾面詬之

安重進者雲州節度重霸之弟也性尤凶惡事莊宗以
試劔殺人奔淮南初重霸在蜀聞之蜀主取之於吳用
為裨將隨重霸為龍武小將戍長道又以殺人奔歸雒
陽

漢蘇逢吉為司空平章事逢吉深文好殺初從高祖在
太原時嘗因事高祖命逢吉靜獄以祈福祐逢吉盡殺
禁囚以報及執朝政尤愛刑戮朝廷患諸處賊盜遣使
捕逐逢吉自草詔意云應有賊盜其本家及四隣同保

人竝仰所在全族處斬或謂逢吉曰為盜者族誅猶非
王法隣保同罪不亦甚乎逢吉堅以為是竟去全族二
字時有鄆州捕賊使臣張令柔者殺平陰縣十七村民
良繇此也

周趙鳳冀州棗彊縣人幼讀書舉童子既長遇亂兇豪
多力以殺人暴掠為事吏不能禁後為冀州刺史

酷暴

詩著北風之章刺衛國之竝為虐也禮有泰山之哭痛

苛政之猛於虎也故刑政之失危亡攸繫而况樂於殺人
人以苛為察逞威則膏血橫流視民曾土芥不若徒使
側目而視重足而立且何補於風化哉及其凶慝貫盈
自貽誅戮豈為不幸者耶

漢寧成南陽穰人也以郎謁者事景帝好氣為小吏必
陵其長吏為人上操下急如束溼操執持也束溼言其
急之甚也溼物則易

束操干
高反猾賊任威

後漢周紆為人刻削少恩好韓非之術少為廷尉史

魏常林文帝時為少府性既清白當官又嚴少府寺與
鴻臚對門時崔林為鴻臚崔性闊達不與林同數數聞
林撾吏聲不以為可林夜撾吏不勝痛叫呼齧齧徹曙
明日崔出門與林車相遇乃啁林曰聞卿為廷尉爾耶
林不覺答曰不也崔曰卿不為廷尉昨夜何故考囚乎
林大慙然不能自止

王思為大司農年老目瞑瞋怒無度下吏噉然不知所
據性少信時有吏父病篤近在外舍自白求假思疑其

不實發怒曰世有思婦病母者豈此謂乎遂不與假吏
父明日死無恨意其為刻薄類如此

時苗鉅鹿人為大官令領郡中正定九品於叙人才不
能寬然紀人之短雖在久遠銜之不置

晉王宏為衛尉大司農更為苛碎坐桎梏罪人以泥墨
塗面置深坑中餓不與食又擅縱五歲刑以下二十一
人為有司所劾帝以宏累有政績聽以贖論

宋奚顯度東海剡人也官至員外散騎郎孝武嘗使主

領人工而苛虐無道動加捶撲暑雨寒雪不聽暫休人
不堪命或有自經死者役人聞配顯度如就刑戮時建
康縣考囚或用萬丈壓額及蹠脛民間謠曰寧得建康
壓額不能受奚度栢又相戲曰勿反顧付奚度其酷暴
如此

谷楷為奉車都尉眇一目而性甚嚴忍前後舉使皆以
酷暴為名時人號曰瞎虎

劉仁之為著作郎兼中書令出為西兗州刺史仁之性

酷虐在晉陽曾營城雉仁之統監作役以小稽緩遂加責罰性好文字走書失體便加鞭撻音韻微訛亦見捶楚吏人苦之

北齊畢義雲為兵部尚書義雲酷暴殘忍非人理所及為家尤甚妻子僕隸嘗瘡痍遍體

隋崔宏度仁壽中檢校太府卿每誠其察吏曰人當誠恕無得欺誑皆曰諾後嘗食鼈侍者八九人宏度一一問之曰鼈美乎人懼之皆云鼈美宏度於是大罵曰傭

奴何敢誑我汝初未食鼈安知其美俱杖之八十官屬
百工見之莫不流汗無敢欺隱時有屈突蓋為武侯驃
騎亦嚴刻長安為之語曰寧飲三斗醋不見崔宏度寧
茹三斗艾不逢屈突蓋

元宏嗣仁壽末授木工監修營東都大業初煬帝潛有
取遼東之意遣宏嗣往東萊海口監造船諸州丁役苦
其捶楚官人督役晝夜立於水中略不敢息自腰以下
無不生蛆死者十三四

唐宇文穎高祖武德中為司農卿政好嚴猛僚吏皆重足而立

王遂高宗朝宰相王方慶之孫也以吏能聞於時銳於操下法頗嚴酷官終沂兗海等州觀察使

漢劉銖陝州人也晉天福中高祖為侍衛親軍都指揮使與銖有舊表為內職高祖出鎮并門用為左都押衙銖性慘毒好殺高祖以為勇斷類已深委遇之

周陶文舉為起居郎世宗顯德二年五月齊州臨邑縣

民田失額命刑部員外郎陳渥按之尚有隱漏復命文
舉檢之文舉酷吏也竭澤而取之是歲冬十月文舉復
奉命徵殘租於宋州宋人被其刑者凡數千冤號之聲
聞於道路有一媪所欠殘租十錢而已聞文舉法峻即
日納之執其公文呈於文舉文舉怒曰爾何不早納之
而勞我此來也亦撻之時有悼耄之輩不勝其刑而死
者數人其後數月文舉因隨駕南征尋遇疾而卒時人
以為陰責之事有徵矣

殃報

殃咎之積報應之來蓋物理之昭然亦神道之不爽若
乃無辜被禍懷耻未雪蓄怨攸重居幽必報斯乃冤氣
之所結營魂之不昧者矣若夫苛枉自恣誅殺以逞徒
宴安而滿志亦凶釁之何逃漸若霜冰隨如影響乃有
憑以他類見乎厥夢或恍惚而構癘或因緣而為祟精
爽攸寄變異非一繇是大者以至覆族小者不免滅身
亦有假手於人自斃於法觸類而長不可徧舉斯蓋默

定于上昭示于下以鑒戒於方來者焉書曰作不善降
之百殃誠哉是言矣

伯有為鄭大夫使公孫黑如楚黑子黑辭伯有將彊使

之子皙怒以駟氏之甲伐之伯有奔許伯有自墓門之

瀆入墓門鄭城門因馬師頡介于襄庫以伐舊北門駟帶率

國人以伐之伯有死於羊肆羊肆市列後鄭人相驚以伯有

曰伯有至矣則皆走不知所往襄三十年鄭人殺伯有言其鬼至鑄刑

書之歲二月昭公六年或夢伯有介而行介甲也曰壬子余將

殺帶也

駟帶助子哲殺伯有壬子昭公六年二月三日也

明年壬寅余又將殺

段也

公孫段豐氏黨壬寅昭公七年正月二十八日

及壬子駟帶卒國人益懼

壬寅公孫段卒國人愈懼子產立良止以撫之乃止

良止

伯有子也立以為

大夫使有宗廟

漢田蚡為丞相既殺魏其侯竇嬰及灌夫明年春蚡疾

一身盡痛若有擊者諱服謝罪

服音的闕西俗謂得杖而呼為的諱火交反的

平卓反

武帝使視鬼者瞻之曰魏其侯與灌夫共守管欲

殺之竟死

後漢蘇不韋金城太守謙之子謙為司隸校尉李嵩掠死獄中不韋復讎於嵩殺其兒妾發其父冢武威段紀明與嵩素善紀明既為司隸以禮辟不韋不韋懼之稱病不詣段追咎不韋前報嵩事遣從事張賢就家殺之并其一門六十餘人盡誅滅之諸蘇以是衰破及紀明為楊球所誅天下以為蘇氏之報焉

魏胡种為司隸校尉與王宏有隙宏下獄种遂迫促殺之宏臨命詬曰胡种樂人之禍禍將及之种後眠輒見

宏以杖擊之因發病數日死

胡軫為司隸校尉與功曹游殷有隙軫誣搆殺殷殷死月餘軫得疾患自說但言伏罪游功曹將鬼來於是遂死於時關中稱曰生有知人之明死有貴神之靈

吳于吉者道士也既為孫策所殺策每獨坐彷彿見吉在左右意深惡之頗有失常後治創方差而引鏡自照見吉在鏡中顧而弗見如是再三因撲鏡大叫創皆潰裂須臾而死

孫峻為武衛將軍既誅諸葛恪遷丞相大將軍後夢為恪所擊恐懼發病死

程普為盪寇將軍殺叛者數百人皆使投火普即時病癘百日而卒

晉阮放字思度為交州刺史行達寧浦逢陶侃將高寶平梁碩自交州還放設饌請寶伏兵殺之寶衆擊放敗走保簡陽城得免放到州少時暴發渴見寶為崇遂卒羊聃為廬陵太守坐殺郡人簡良等二百餘人除名頃

之遇疾嘗見簡良等為祟旬日而死

桓溫為大將軍拜高平陵左右覺其有異既登車謂從者曰先帝向遂靈見既不述帝所言故衆莫之知但見將拜時頻言臣不敢而已又問左右殷涓形狀答者言肥短溫云向亦見在帝側初殷涓既為溫所廢死涓頗有氣尚遂不詣溫而與武陵王晞游故溫疑而害之竟不識也及是亦見涓為祟因而過疾凡停京師十有四日歸于姑孰遂寢疾不起

趙染為前趙劉聰平西將軍次新豐會晉將索綝自長安討染染有輕綝之色長史魯徽諫不聽敗績而歸悔曰吾不用徽言何面見之於是斬徽徽臨刑謂染曰死者無知則已若其有知當訴將軍使不得服牀枕而死後染寇北地夢徽大怒引弓射之染驚悸而寤旦將攻城中弩而死

尹興為後涼呂光丘池令時張掖督郵傅曜考覈屬縣而興殺之投諸空井曜見夢于呂光曰臣張掖郡小吏

案核諸縣而丘池令尹興賊狀狼藉懼臣言之殺臣投于南亭空井中臣衣服形狀如是光寤而猶見久之乃滅遣使覆之如夢光怒殺興

宋殷景仁為護軍太祖以景仁計誅劉湛拜景仁揚州刺史遣使者授印綬主簿代拜拜畢便覺其情理乖錯性本寬厚而忽更苛暴問左右曰今年男婚多女嫁多是冬大雪景仁乘輿出聽事觀望忽驚曰當閣何得有
大樹既而曰我誤耶疾轉篤太祖謂不利在州司使還

住僕射下省為州凡月餘卒或云見劉湛為崇

劉季之為司州刺史在州貪殘司馬翟宏業諫爭甚苦
季之積忿置毒藥食中殺之季之少年時與宗慤搆戲
曾手侮加慤慤深銜恨至是慤為豫州刺史都督司州
季之慮慤為禍乃委官問道欲歸朝廷會竟陵王誕反
季之至盱眙太守鄭瑗以季之素為誕所遇疑其同逆
因邀道殺之後瑗為山陽王休祜驃騎中兵參軍豫州
刺史殷琰與晉安王子勛同逆休祜遣瑗及左右邢龍

符說琰琰不受鄭氏壽陽強族琰即使瑗鎮軍子勛青
琰舉兵遲晚琰欲自解釋乃殺龍符送首瑗固爭不能
得及壽陽城降瑗隨輦同出龍符兄僧懃時在城外謂
瑗構殺龍符輒殺之瑗即為劉劭所錄後見原僧懃尋
擊虜於淮西戰死此四人者竝繇橫殺旋受身禍論者
以為有天道焉

檀和之為交州刺史伐林邑國破其北界大戎區粟城
獲金寶無筭毀其金人得黃金數十萬斤餘物稱是和

之後病死見胡神為祟

南齊豫章王嶷薨後忽見形於沈文季曰我未應便死
皇太子加膏中十一種藥使我癱不差湯中復加藥一
種使痢不斷吾已訴先帝帝許還東邸當判此事因胷
中出青紙文書示文季曰與卿少舊因卿呈上俄失所
在文季祕而不傳甚懼此事少時太子薨

莫智明為明帝左右帝遣智明數蕭湛罪賜死湛謂智
明曰天去人亦復不遠我為中領軍與至尊殺高武諸

王是君傳語來去我今死還取卿於省殺之未幾智明
死見諶為崇

蕭季敬為輔國將軍時太子左率領軍蕭詠及兄左衛
將軍諶同被誅季敬啓求收詠深加排苦乃至手相摧
辱詠徐曰已死之人何足至此君不憶相提拔時耶幽
冥有知終當相報季敬麤猛無行善於彌縫高帝時為
詠諶所獎說故累為郡守在政貪穢諶輒掩之後為廣
州刺史白日見詠將兵入城收之數日果為西江都護

周世雄所襲軍敗奔山中為蛭所齧肉都盡而死慘楚備至後為村人所斬論者以為有天道焉

梁沈約為尚書左僕射因病夢齊和帝劔斷其舌召巫視之巫言如夢乃呼道士奏赤章於天稱禪代之事不繇已出高祖聞之大怒遣使者譴責之約懼而卒

後魏南安王楨孝文時為相州刺史以旱祈雨于群神鄴城有石虎廟人奉祀之楨告虎神像云三日不雨當加鞭罰請雨不驗遂鞭像一百是月疽發背薨

元壽興襲常山王素之孫孝文時為中庶子時王顯在東宮賤壽興因公事杖之四十及顯有寵於宣武為御史中尉奏壽興誹謗顯因帝極飲無所覺悟遂奏其事命帝注可直付壽興賜死壽興臨刑顧謂其子曰我棺中可著百紙筆兩枝吾欲訟顯於地下若高祖之靈有知百日內必取顯如遂無知亦何足戀及孝明即位顯尋被殺壽興之死時論亦以為前任中尉彈高讒諷所致

高肇宣武時為尚書令譖殺彭城王勰勰妃司空李冲之女號哭大言曰高肇枉理殺人天道有靈汝還當惡死及肇以罪見殺論者知有報應焉

崔浩為司徒浩非毀佛法而妻郭氏敬好釋典時時讀誦浩怒取而焚之捐灰於廁中及浩幽執置之檻內送於城南使衛士數十人溲其上呼聲嗷嗷聞于行路自宰司之被殘辱未有如浩者世皆以為報應之驗初浩構害李順基萌已成夜夢秉火爇順寢室火作而順死

浩與室家羣立而觀之俄而順弟息號哭而出曰此輩
吾賊也以戈擊之悉投于河寤而惡之以告館客馮景
仁景仁曰此真不善也非復虛事夫以火焚人暴之極
也階亂兆禍復之招也商書曰惡之易也如火之燎於
原不可向邇其猶可撲滅乎且兆始惡者有終殃積不
善者無餘慶厲階成矣公其圖之浩曰吾方思之而不
能悛以至於族

李彪為御史中丞號為嚴酷以奸疑難得乃為木手擊

其脇腋氣絕而復屬者時時有焉又慰諭汾州叛胡得其土渠皆鞭而殺之及彪之病體上往往瘡潰痛毒備極

張始均為行臺郎中從都督元遙討大乘賊於冀瀛之間多所殺戮積屍數萬始均忿軍士重以首級為功乃令檢集人首數千一時焚爇至於灰燼用息僥倖見者莫不傷心及始均之死始未在於煙炭之間有焦爛之痛論者或亦推咎焉

韋伯昕為員外散騎常侍宣武延昌末告尚書裴植謀
為廢黜植坐死後百餘日伯昕亦病卒臨亡見植為祟
口云裴尚書死不獨見繇何以見怒也

于忠為車騎大將軍時高陽王雍省決庶政僕射郭祚
尚書裴植以忠權勢日盛勸雍出忠忠聞之逼有司誣
奏其罪祚有師傅舊恩植擁地入國忠竝矯詔殺之忠
疾病見裴郭為祟而卒

侯莫陳悅為隴右都督時大都督拔嶽台悅共討靈州

悅用其參軍豆盧光之謀誘獄斬之悅自殺獄後神情恍惚不復如常唯言我僅睡即夢見獄語我兄欲何處去隨逐我不相置因此彌不安而致敗滅

北齊高隆之為驃騎大將軍見信高祖性多陰毒睚眦之忿無不報焉儀同三司崔孝芬以結婚姻不果太府卿任集同加營構頗相乖異瀛州刺史元晏請託不遂前後構成其罪竝誅其後隆之被害家門殄滅論者謂有報應焉

韓賢為雒州刺史初後漢明帝時西域以白馬負佛經送雒因立白馬寺其經函傳在此寺形制厚朴世以為古物歷代藏寶賢無故斫破之未幾州民韓木蘭等作逆有一賊斫賢折脛而卒論者或謂賢因此致禍

隋梁敬真大業中為大司理司直時煬帝欲成光祿大夫魚俱羅之罪令敬真治其獄遂希旨陷之極刑未幾敬真有疾見俱羅為之厲數日而死

于時東都饑饉俱羅遣家僕般米至

東都難之益市財貨潛迎諸子朝廷微知之恐其有異志前後察問不得其罪帝復令敬真就鎖將詣東都俱

羅相表異人目有重瞳陰為帝之所忌敬真希
旨奏俱羅師徒敗衄于是斬東都市家口籍沒

劉蘭為國子助教嘗排毀公羊氏非董仲舒延昌中靜
坐讀書有人叩門門人通馬蘭命引入其人葛巾單衣
入與蘭坐謂蘭曰君自是學士何為每見毀辱理義長
短竟知在誰而過無禮見陵也今欲相召當與君正之
言終而出後蘭告家人少時而患卒

奚康生為相州刺史在州以天旱令人鞭石虎畫像復
就西門豹祠祈雨不獲令吏取豹舌未幾二兒暴喪身

亦遇疾巫以為虎豹之祟

樊子鵠出帝時為御史中尉會宗室元樹奔梁梁武以
為郢州刺史子鵠為行臺率徐州刺史杜德舍人李昭
等討之樹城守不下子鵠使金紫光祿大夫張安期說
之樹請棄城還南子鵠許之殺白馬為盟樹恃誓不為
戰備與杜德別還南德不許送雒陽置在景明寺樹年
十五奔南未及富貴每見高山雲向南未嘗不引領歔
歔初發梁都其愛妹玉兒以金指環與樹嘗著之寄以

還梁表必還之意朝廷知之俄而賜死未幾杜德忽得
狂病云元樹打我不已至死此驚不絕舍人李昭尋奉
使向秦州至潼關驛夜夢樹云我已訴天帝待卿至隴
終不相放昭覺惡之及至隴口為賀拔嶽所殺子鵠尋
為達野拔所殺

樊子蓋為東都留守楊玄感之亂子蓋誅數萬人嚴酷
少恩果於殺戮臨終之日見斷頭之鬼前後重沓為之
厲

唐郭霸則天天授二年自宋州寧陵丞應革命舉拜監察御史嘗推芳州刺史李思徵榜捶考禁不勝而卒聖歷中屢見思徵甚惡之嘗因退朝歸命家人曰速請僧傳經設齋須臾見思徵從數十騎止其庭曰汝枉陷我我今取汝霸周章惶怖援刀自刳其腹斯須蛆爛矣是日閭里竝見兵馬數十騎駐于門少頃不復見矣

崔器以肅宗至德中為御史中丞性苛刻樂禍奏陷賊官據律合處死後器病脚腫月餘漸亟瞑目則見京兆

尹達奚珣但口稱叩頭大尹不自繇左右問之良久答曰達奚大尹訴冤我求之如此經三日不止而死

陳曇德宗貞元中為邕州經畧招討使怒判官劉浚杖二十五浚卒之日曇得疾見浚為祟而卒

舒元興為監察御史時亳州境嘗有羣賊剽人廬舍劫取貨財累致擒捕不獲刺史李繁潛設機謀悉知賊之巢穴出兵盡加誅斬議責繁以不先啓聞廉使涉於擅興之罪朝廷遣元興覆理之元興素與繁有隙復以初

官銳於生事乃盡反其獄辭以為繁濫殺無辜狀奏勅於京兆府賜死時人寃之其後元輿被禍人以為有報應焉

後唐西方鄴為寧江軍節度使為政貪虐判官譚善達每箴其失鄴忿形於色令左右告善達受人金下獄拷掠善達亦剛詞多不遜遂殺於獄中無幾寢疾時見善達入其戶俄卒於治所

晉馬全節為定州節度使自上黨攜歌妓一人之中山

館於外有人以讒言中之全節加害及詔除鎮州遇病數見其妓厭之復來妓曰我已得訴要公俱行全節具告家人數日而卒

漢蘇逢吉自高祖建號於太原以節度判官拜平章事時宰相李崧被誅人士寃之及逢吉受宣權知樞密院事數夕宿於金祥殿之東謂春官正王處訥曰夜來就枕未暝已見李崧在傍生人與死人相接非吉事也及周太祖自鄴至汴官軍敗於劉子陂是夕逢吉宿於七

里郊與同舍痛飲醉索刃將自剄左右止之至曙與隱
帝同抵民舍遂自殺周太祖定京城與聶文進等同梟
於北市釋其家族其梟首之所適當李崧寃死之地也
周鄭仁誨為侍中初廣順末王殷受詔赴闕太祖遣仁
誨赴鄴都巡檢及殷得罪仁誨不奉詔即殺其子蓋利
其家財妓樂也及仁誨卒而無後人以為陰責焉

冊府元龜卷九百四十一

欽定四庫全書

冊府元龜卷九百四十二 宋王欽若等撰

總錄部

黷貨 禍敗

黷貨

書稱黷貨無厭詩惡貪人敗類是知冒于貨賂先賢所
譏若乃彩纓入仕代耕受祿不能澡身而自潔乃復受
財以逞欲至使外資敵國旁通絕塞求媚富室苟利私

家繇是正呂刑之文加蕭斧之戮千載之下恥莫大焉
伯封樂正后夔之子實有豕心貪惏無厭

漢項伯項羽兄也高祖為漢王王巴蜀賜張良金百鎰

二十兩曰鎰秦以鎰名金若漢之論斤也珠二斗良俱以獻項伯漢王亦因

令良厚遺項伯使請漢中地本不盡於漢中故請求之項王許之

周意封汾陰侯孝文十二年坐行受財髡為城旦

許元封宋子侯孝景中二年坐寄使匈奴買塞外禁物
免

衛侈封樂平侯孝武建元六年坐買田宅不法有請賊吏死

薛歐封廣平侯元狩元年坐受淮南賂稱臣在赦前免楊毋害封赤泉侯坐許給人贓六百免

任當干嗣梁期侯宣帝太始四年坐買馬一疋價錢十五萬過平贓五百以上免

陳湯為從事中郎時大司馬王商不善湯按驗湯諸所犯湯前為騎都尉王莽上書言父早死獨不封毋明君

共養皇太后尤勞苦

恭傳言恭母渠今此云明君則明君者字也

宜封竟為

新都侯後皇太后同母弟苟參為水衡都尉死子伋為

侍中參妻欲為伋求封湯受其金五十斤許為求比上

奏

比例也音必寐反

弘農太守張匡坐贓百萬以上狡猾不道

有詔即訊

就其所居考問之

恐下獄使人報湯湯為訟罪得踰

冬月許謝錢二百萬

後漢傅昌封蕪湖侯

蕪湖縣名屬丹陽郡

章帝建初中遭母憂因

上書以國貧不願之封乞錢五十萬為關內侯帝怒貶

為關內侯竟不賜錢

魏丁斐初從太祖性好貨數請取犯法輒得原宥為典
軍校尉

晉桓玄既自署太尉性貪鄙好奇異尤愛寶物珠玉不
離于手人士有法書好畫及佳園宅者悉欲歸已猶難
逼奪之皆捕博而取遣臣佐四出掘果移竹不遠數千
里百姓佳果美竹無復遺餘

殷仲文桓玄篡位時以佐命親貴厚自封崇輿馬器服

窮極綺麗後房妓妾數十絲竹不絕音性貪吝多納貨賄家累千金常若不足

宋王僧達為太子洗馬母憂去職與兄錫不協錫罷臨海郡還送故及奉祿百萬以上僧達一夕令奴輦取無復所餘

阮佃夫既以弑廢帝及太宗即位論功行賞壽寂之封應城侯佃夫建城侯餘有封時佃夫及王道隆楊運長竝執權權亞人主大通貨賄凡事非賂不行人有餉佃

夫絹二百疋嫌少不答

後魏張僧皓明帝孝昌中徵為散騎侍郎不赴世號徵君僧皓好產業孜孜不已藏錫巨萬他資亦稱是兄弟自供儉約車馬瘦敝身服布裳而婢妾紈綺僧皓尤好捕奕戲不擇人是以獲譏於世

隋宇文述為太子左衛率時申國公李穆孫筠卒高祖議立嗣而穆第十子渾規欲紹之述即其妻兄也渾謂述曰若得襲封當以國賦之半每歲奉公述利之因入

白皇太子曰立嗣以長不則以賢今中國公嗣絕徧觀其子孫皆無賴不足以當榮寵唯金才有勳於國謂非此人無可以襲封者太子許之竟奏高祖封渾為中國

公奉穆嗣

字文化及自煬帝為太子時領千牛軍見人子女狗馬珍玩必請託求之嘗與屠販者遊以規其利累遷至太子僕射數以受納貨賄再三免官太子嬖昵之尋復職唐李慶遠睿宗景雲中為左帥府右郎將初慶遠從皇

太子誅韋氏有功其後恃寵多受貨賄按問得實命杖一百放于嶺表

于翬為奉天令時憲宗起山陵翬與山陵使親吏韋正收及陰陽官等同隱官錢十五萬貫不給工徒事發皆伏誅

後唐盧汝弼客游上黨丁會薦武皇即代李襲吉為副使軍國政務委其參決莊宗嗣晉王位乃承制署吏又得汝弼有若符契繇是除補之命皆出於汝弼之手既

而畿內官吏考課擬議奔走盈門頗以賄賂聞人士少之莊宗嘉其才不之詰

李全暉乾祐中為禮賓使與副使高行進減刻蕃部買馬錢下開封府勘問皆伏罪竝決杖流房州

周馬從斌世宗顯德中為殿中監初從斌有女適故晉國公霍彥成之子承誣後數歲俱亡有息女一人年五六歲從斌收而養之霍氏資業竝為從斌所據既而從斌令其女弟尼德堅私度霍氏為尼未幾而卒乃盡收

其邸第復貿其資產乾沒其直至是為霍氏近親所訟
下御史府按之得實免官

禍敗

古人有言禍福無門惟人自召既有積善之慶豈無禍
淫之責人事易辨陰隲難誣求而得之又何怨也觀夫
蛇虺之行溪壑之心欺罔君親絕棄仁義殘忍不道貪
冒無厭莫不十目所視衆怒難犯天肆惡盈之罰鬼得
復讎而誅孽不可逭速如影響大則兵連禍結災延方

域小則巢傾卵碎辱及宗親猶謂不幸豈非痛哉所以克己復禮謙謙君子戰然而笑矣

秦衛鞅孝公時為左庶長定變法之令太子犯法刑其傅公子虔復犯約劓之孝公卒太子立公子虔之徒告商君欲反發吏捕商君商君亡至闕下欲舍客舍舍人不知其是商君也曰商君之法舍人無驗者坐之商君喟然歎曰嗟乎為法之弊一至此哉去之魏魏人怨其欺公子印而破魏師弗受商君欲之他國魏人曰商君

秦之賊秦之疆而賊入魏弗歸不可遂囚入秦商君既

復入秦走商邑與其徒屬發邑兵北出擊鄭京北鄭縣也秦

發兵攻商君殺之於鄭黽池黽或作彭秦惠王車裂商君以

狗曰莫如商鞅反者遂滅商君之家

呂不韋為相國始皇九年有告嫪毐實非宦者嘗與太

后私亂生子二人皆匿之與太后謀曰王即薨以子為

後毒與侍中左右貴臣博飲酒醉爭言而鬪瞋目大叱曰吾乃皇帝假父也窶人子何敢乃與我亢所與鬪

者走以白始皇於是秦王下吏治具得情實事連相國呂不韋

九月夷嫪毐三族殺太后所生兩子而遂遷太后於雍諸嫪毐舍人皆沒其家而遷之蜀王欲誅相國為其奉先王功大及賓客辯士為游說者衆王不忍致法秦王十年十月免相國呂不韋及齊人茅焦說秦王秦王乃迎太后於雍歸復咸陽入南宮而出文信侯就國河南歲餘諸侯賓客使者相望於道請文信侯秦王恐其為變乃賜文信侯書曰君何功於秦秦封君河南食十萬戶君何親於秦號稱仲父其與家屬徙處蜀呂不韋自

度稍侵恐誅乃飲酖而死

呂覽曰不韋冢在河南雒陽北邙道西大冢是也民傳言

呂母冢不韋妻先葬故其冢名呂母也

秦王所加怒呂不韋嫪毐皆已死

皆復歸嫪毐舍人遷蜀者

漢主父偃為齊相初尊立衛皇后及發燕王定國陰事

偃有功焉大臣皆畏其口賂遺累千金或說偃曰大橫

橫音胡孟反

偃曰臣結髮游學四十餘年身不得遂

遂猶達也親

不以為子昆弟不收賓客棄我我阨日久矣丈夫生不

五鼎食死則五鼎烹爾吾日暮故倒行逆施之

日暮言年已老

也倒行逆施
謂不遵常理後以齊王自殺遂族偃

王溫舒為河內太守好殺行威遷為中尉坐以法免後拜為少府徙右內史治如其故姦邪少禁坐法失官復

為右輔行中尉事如故操歲餘會宛軍發發兵伐大宛詔徵

豪吏溫舒匿其吏華成及人有變告溫舒受員騎錢它

姦利事罪至族自殺員騎騎之有正員也其時兩弟及兩婚家亦

各自坐它罪而族光祿勳徐自為曰悲夫夫古有三族

而王溫舒坐罪至同時而五族乎溫舒與弟同三族而兩妻家各一故為五

也
溫舒死家累千金

董賢為大司馬哀帝末太皇太后召賢引見東廂問以喪事調度賢內憂不能對免冠謝太后曰新都侯王莽前以大司馬奉送先帝大行曉習故事吾令莽佐君賢頓首幸甚太后遣使者召莽既至以太后指使尚書劾賢帝病不親醫藥禁止賢不得入出宮殿司馬中賢不知所為詣闕免冠徒跣謝莽使謁者以太后詔即闕下冊賢

即就也

曰間者以來陰陽不調菑害竝臻

菑古災字

元元

蒙辜

蒙被也

夫三公鼎足之輔也高安侯賢未更事理

更歷

也音工
衡反

為大司馬不合衆心非所以折衝綏遠也其收

大司馬印綬罷歸第即日賢與妻皆自殺家惶恐夜葬

莽疑其詐死有司奏請發賢棺至獄診視

謂發冢取其棺柩也診驗

也音軫

莽復風大司徒光奏賢

風讀曰諷光孔光也

質性巧佞翼姦

以獲封侯

翼進也

父子專朝兄弟竝寵多受賞賜治第宅

造冢壙放效無極不異王制

放依也音甫往反

費以萬萬計國

家為空虛父子驕蹇至不為使者禮

言不敬天子之使

受賜不

拜臯惡暴著賢自殺伏辜死後父恭等不悔過乃復以

砂畫棺

以硃砂塗之而又雕畫也

四時之色左蒼龍右白虎上著金

銀日月玉衣珠璧以棺

以此物棺斂也棺音工喚反

至尊無以加恭

等幸得免誅不宜在中土臣請收沒入財物縣官諸以

賢為官者皆免父恭弟寬信與家屬徙合浦母別歸故

郡鉅鹿長安中小民謹諱鄉其弟哭幾獲盜之

陽往哭之實欲

竊盜也鄉讀曰

縣官斥賣董氏財凡四十三萬賢既見

發羸診其尸

羸露形也音郎果反

因埋獄中

原涉字巨先祖父武帝時以豪傑自陽翟徙茂陵涉性
外溫仁謙遜而內隱好殺睚眦於塵中觸死者甚多王
莽末為鎮戎大尹莽敗更始西屏將軍申屠建請涉與
相見大重之故茂陵令尹公壞涉冢舍者為建主簿涉
本不怨也涉從建所出尹公故遮拜涉謂曰易世矣宜
勿復相怨涉曰尹君何以魚肉涉也

言以涉為魚肉
不以人遇之

涉

用是怒使客刺殺主簿涉欲亡去申屠建內恨恥之陽
言吾欲與原巨先共鎮三輔豈以一吏易之哉賓客通

言令涉自繫獄謝建許之賓客車數十乘共送涉至獄

建遣兵道徼取涉於車上

徼要也音
工堯反

送車分散馳遂斬

涉縣首長安市

後漢牛輔為中郎將董卓子婿營中無故大驚輔懼乃

齎金寶踰城走左右利其貨斬輔送首長安

獻帝紀曰
輔帳下支

胡赤兒等素待之過急盡以家寶與之自帶二千餘餅
金大白珠瓔胡謂輔曰城北已有馬可去也以繩繫輔
腰踰城懸下之未及地支胡放之輔傷腰
不能行諸胡共取其金并珠斬首詣長安

公孫瓚獻帝時為奮武將軍因怒袁紹遂出軍屯槃河

將以報紹

即九河鉤
繫之河也

乃上疏紹罪紹懼以所佩渤海

太守印綬授瓚從弟範遣之郡欲以相結範遂背紹領

渤海兵以助瓚與紹大戰瓚軍敗還薊後保易京建安

三年袁紹復大攻瓚瓚遣子續請救於黑山諸帥而欲

自將突騎直出傍西山以斷紹後長史關靖諫曰今將

軍將士莫不懷瓦解之心所以猶能相守者顧戀其老

小而恃將軍為主故爾堅守曠日或可使紹自退若舍

之而出後無鎮重易京之危可立待也瓚乃止紹漸相

攻逼瓚衆日蹙乃却築三重營以自固四年春黑山賊
帥張燕與續率兵十萬三道來救瓚未及至瓚乃密使
行人賫書告續曰昔周末喪亂殭屍蔽地以意而推猶
為否也不圖今日親當其鋒袁氏之攻狀若鬼神梯衝
舞吾樓上鼓角鳴於地中日窮月急不遑啓處烏旆歸
人瀋水陵高汝當碎首於張燕馳驟以告急父子天性
不言而動且厲五千鐵騎於北隰之中起火為應吾當
自內出奮揚威武決命於斯不然吾亡之後天下雖廣

不容汝足矣。紹候得其書，如期舉火。瓚以為救至，遂使出戰。紹設伏兵，瓚遂大敗。還保中小城，自計必無全。乃悉縊其姊妹妻子，然後引火自焚。紹兵趣登臺，斬之。續為屠密所殺。

袁術既僭號，而士卒凍餒，江淮間空盡。人民相食，術前為呂布所破，後為太祖所敗，奔其部曲雷薄、陳蘭於潯山。復為所拒，憂懼不知所出。將歸，帝號於從弟紹，欲至青州。從袁譚發病道死。

吳書曰：術既為雷薄等所拒，留住三日，士衆絕糧，乃還至江亭。

去壽春八十里問厨下尚有麥屑三十斛時盛夏欲得
蜜漿又無蜜坐櫺牀上歎息良久乃大咤曰袁術至於
此乎因頓伏牀下嘔
血斗餘因而遂死

袁譚紹之子也

譚父為冀州牧

曹公之在鄴譚畧取甘陵安平

渤海河間攻弟袁尚於中山尚走固安從其兄袁熙譚
悉收其衆會曹公將討之譚乃拔平原并南皮自屯龍
湊譚欲出戰軍未合而破譚被髮驅馳追者意非常人
趨奔之譚墮馬曰吐而過我我能富貴汝言未絕口頭
已斷地曹公擊袁尚袁熙至遼西尚熙與烏丸逆軍戰

敗走奔遼東公孫康誘斬之送其首

尚為人有勇力欲奪取康衆與熙謀

曰今到康必相見欲與兄手擊之有遼東猶可以自廣也康亦心計曰今不取熙尚無以為悅於國家乃先置其精勇於廐中然後請熙尚入康伏兵出皆縛之坐於凍地尚寒求席曰未死之間寒不可忍可相與席熙曰頭顱方行萬里何席之為遂斬首譚字顯思熙字顯雍

晉石崇為衛尉諂事賈謐及謐誅崇以黨與免官時趙王倫專權崇甥歐陽建與倫有隙崇有妓曰綠珠美而艷善吹笛孫秀使人求之崇時在金谷別館方登涼臺臨清流婦人侍側使者以告崇盡出其婢妾數十人以

示之皆蘊蘭麝被羅縠曰在所擇使者曰君侯服御麗則麗矣然本受命指索綠珠不識孰是崇勃然曰綠珠吾所愛不可得也使者曰君侯博古知今察遠炤邇願加三思崇曰不然使者出而又反崇竟不許秀怒乃勸倫誅崇建亦潛知其計乃與黃門郎潘岳陰勸淮南王允齊王罔以圖倫秀秀覺之遂矯詔收崇及潘岳歐陽建等崇正宴於樓上介士到門崇謂綠珠曰我今為爾得罪綠珠泣曰當效死於官前因自投於樓下而死崇

曰吾不過流徙交廣爾及車載詣東市崇乃歎曰奴輩利吾家財收者答曰知財致害何不早散之崇不能答崇母兄弟妻子無少長皆被害死者十五人崇時年五

十二

楊駿為太傅大都督假黃鉞錄朝政百官總已多樹親黨皆領禁兵於是公室怨望天下憤然殿中中郎孟觀李肇與黃門董猛及汝南王亮楚王瑋謀誅之殿中兵出燒駿府又令弩士於閣上臨駿府而射之駿兵皆不

得出駿逃于馬廐以戟殺之觀等受賈后密旨誅駿親黨皆夷三族死者數十人

賈謚為侍中領祕書監謚者賈充外孫韓壽之子也充養以為後與賈后共謀誣陷愍懷太子及趙王倫廢后以詔召謚於殿前將戮之走入西鐘下呼曰阿后救我乃就斬之韓壽少弟蔚及壽兄鞏令保弟散騎郎預吳王友鑒謚賈母賈午皆伏誅

孫旂為平南將軍子弼及弟子髦輔琰四人與孫秀合

族及趙王倫起事夜從秀開神武門下觀閱器仗兄弟
旬日相次為公府掾尚書郎弼又為中堅將軍領尚書
左丞輔為上將軍領射聲校尉髦為武衛將軍領太子
詹事琰為武威將軍領太子左率皆賜爵開國郡侯推
崇旂為車騎將軍開府旂初以弼等受署偽朝遣小息
回責讓弼等以過差之事必為家禍弼等終不從旂制
之不可但慟哭而已及齊王冏起義四子皆伏誅襄陽
太守岱承冏檄誅旂夷三族

杜曾自稱南中郎將及王廙為荊州刺史曾距之廙使將朱軌趙誘擊曾皆為曾所殺王敦遣周訪討之屢戰不能剋訪潛遣人緣山開道出曾不意以襲之曾衆潰其將馬雋蘇溫等執曾詣訪降訪欲生致武昌而朱軌息昌趙誘息裔皆乞曾以復寃於是斬曾而昌裔鬻其肉而噉之

祖約為鎮西將軍蘇峻舉兵約從之既敗奔於石勒勒薄其為人不見者久之勒將程遐說勒曰天下粗定當

顯明順逆此漢高祖所以斬丁公也今忠於事君者莫不顯擢背叛不臣者莫不夷戮此天下所以歸伏大王也祖約猶存臣竊惑之且約大引賓客又占奪鄉里先人田地地主多怨於是勒乃詐約曰祖侯遠來未得善歡可集子弟一時俱會至日勒辭之以疾令遐請約及其宗室約知禍及大飲醉既至于市抱其外孫而泣遂殺之并其親屬中外百餘人悉滅之婦女妓妾班賜諸

胡

後魏和跋為尚書性尤奢淫太祖戒之弗革將刑太祖命其諸弟毗等視訣跋謂毗曰灑北地瘠可居水南就耕良田廣為產業各相勉勵務自纂脩令之背已曰汝曹何忍視吾之死也毗等解其微意詐稱使者亡奔長安追之不及太祖怒遂誅其家

崔逞初仕慕容燕以留臺尚書亡歸道武帝亦以為尚書後為御史中丞有罪賜死及其孫獻孝文帝初以交通境外伏誅自逞之死至獻之誅三世積五十餘年而

在此一門盡矣

費穆為武衛將軍爾朱榮向雒穆勸其大行誅罰榮心然之於是遂有河陰之事天下聞之莫不切齒及元顥內逼莊帝北幸穆遂降顥顥以河陰酷濫事起於穆引入詰讓出而殺之

爾朱世隆兄弟各擁強兵割剝四海世隆既摠朝政生殺自繇及高歡起兵仲遠度律等愚戇恃強不以為慮而世隆獨深憂恐及天光戰敗世隆請出收兵節閔帝

不許世隆令其外兵參軍陽叔淵單騎馳赴北中簡閱
敗衆以次內之而斛斯椿未得入城詭說叔淵曰天光
部下皆是西人聞其欲掠京邑遷都長安宜先內我以
為其備叔淵信而內之椿既至橋盡殺世隆黨附令行
臺長孫雅詣闕奏狀別使都督賈智張歡率騎掩執世
隆與兄彥伯俱斬時年三十三

北齊高乾為魏司空為莊帝所殺乾臨死神色不變見
者莫不歎息焉時武衛將軍元整監刑謂乾曰頗有書

及家人乎乾曰吾兄弟分張各在異處今日之事想無全者兒子既小未有所識亦恐巢傾卵破夫欲何言

唐來俊臣則天朝歷雒陽令司農少卿恣行羅織多所陷害自侯王將相被其羅織受戮者不可勝計復自稱其才可比石勒朝野聞而彌懼又將誣告皇嗣及廬陵王與南北衙將相謀反並因此傾動宗社自取國權俊臣與其黨衛遂忠飲醉自糾發繇是得罪制曰來俊臣閭巷小人奸險有素以其頗申糾摘將謂微効款誠遂

拔自泥塗齒于簪紱歲月滋久涓埃莫施專搆凶邪每
相朋扇隱逆賊之妹尤深嬖寵逼良家之女以為妾媵
作威作福無禮無義剝奪甚萑蒲之盜贓賄踰丘山之
積諸王等磐石宗枝必期毀敗南北衙文武將相咸將
傾危冀得竊弄機權方擬潛為悖逆無君之心已著不
臣之迹顯然天下側目含靈切齒擢其髮不足以數罪
粉其骨不足以塞愆棄市之刑嚴科未極汙宮之辟輿
議所歸宜加赤族之誅以雪蒼生之憤可准法籍沒其

家時年四十七俊臣及伏誅讎人皆齧其肉噉之斯須而盡遠近莫不稱慶

高駢鎮淮南為秦彥幽辱計口給食自五月至八月外圍益急供事遂闕庖人以道院欄檻及諸木像毀而為薪以續晨爨時秦彥畢師鐸頻為楊行密所敗頗疑道院禳制使然又慮一旦府城不守或致竄逸有妖尼王奉仙者謂秦彥曰此間氣候當損一大貴人地方始安以此言故害之是日駢晨起啜粥左右走告云有兵馬

來言未畢衆已及階駢謂其徒曰軍府之事有監軍使
及大將軍在汝輩莫無禮因命左右召秦彥詞氣甚厲
群兇憚焉久之有卒自後揮肱中之遂牽下階倉皇之
際猶仰首顧望若有所伺及就刀斷而不殊明日外圍
知之皆向城大慟競以紙錢奠而焚之先是駢嘗戒羣
子曰汝等善自為謀吾必不學俗物死入四片板中以
累於汝矣至是以諸姪同坎而瘞唯駢以舊氈包之正
符所言及呂用之伏誅有軍人於中堂發得一石函內

有銅人一枚長三尺餘身被桎梏口貫長釘曾上疏駢鄉貫甲子官品姓名為厭勝之事以是駢每為用之所制如有助焉其後楊行密入城署駢諸孫愈為節度副使令主喪事愈乃發穴長幼凡六人皆斂棺柩自道院遷于愈家既月餘愈又暴終明年四月孫孺下廣陵勅其故吏曠師虔等葬之

後唐溫韜初仕梁為許州節度使明宗即位流于德州俄賜死長子延濬清泰中為泥水關使次延沼為父牙

帳都校次延袤鄧州指揮使咸聚居許下晉天福初聞張從賓作亂於河陽咸往依之從賓慮其難制悉斬于

帳下

明宗自鄴初至雒陽霍彥威怒韜前事與段凝同收下獄尋釋之下教放歸田里天成二年竄於德

州是歲秋九月詔曰德州流人溫韜生為黔首起自綠林依憑中夏干戈劫盜本朝陵寢遼州流人段凝豺狼類性梟獍為謀無辜而幾害平人得便而嘗懷逆節盧州司戶陶玘曾司藩翰恣贖貨財自處竄流彌興怨望門發文字扇搖戎帥原州司馬聶輿擢從班列委出親賢不守條章強買店宅其後細詢行止頗駭聽聞喪妻未及於半年別成婚媾棄母動逾於千里不奉晨昏而皆自抵刑章各行竄逐都無省過但出怨詞在朕意雖欲含弘於物論固難容舍尚全大體只罪一身竝令本

死處賜

王鎔為鎮州節度使令其子昭祚與張文禮以兵圍李宏規及軍司馬李藹宅竝族誅之誑誤者凡數十家又殺蘇漢衡收部下偏將下獄窮其反狀親軍大恐時諸軍皆有給賜唯親軍不時與之衆心益懼張文禮因其反側密諭之曰王此夕將坑爾曹宜自圖之衆皆掩泣相謂曰王待我如是我等焉能效忠是夜親軍十餘人自子城西門尋垣而入鎔方焚香受籙軍士二人突入

斷其首袖之而出遂焚府第煙焰亘天兵士大亂鎔姬
妾數百皆赴水投火而死軍校有張支順者率軍人至
張文禮第請為留後遂盡殺王氏之族

張文禮為鎮州大將殺節度使王鎔盜其州比廝役小
人驟居人上行步動息皆不自安出則千餘人露刃相
隨日殺不辜道路反目嘗慮我師問罪奸心百變南通
朱氏北結契丹往往擒獲其使莊宗遣人送還文禮繇
是愈恐是歲八月莊宗遣閻寶史建塘及趙將符習等

率王鎔本軍進討師興文禮病疽於腹及聞史建瑋攻下趙州驚悸而卒子處瑾據鎮州李存審為北面招討使以攻鎮州是時處瑾危蹙日甚昭義軍節度判官任圜馳至城下諭以禍福處瑾登陴以誠告乃遣牙將張彭送款於行臺俄而李存審師至城下是夜趙將李再豐之子冲投縋以接王師諸軍登城遲明畢入獲處瑾處球處琪并其母及同惡人等皆折足送行臺鎮人請醢而食之入發文禮之尸磔之於市

郭崇韜為樞密使嘗從容謂繼岌曰蜀平之後王為太子候主上千秋萬歲神器在手宜盡去宦官優禮士族不唯疎斥閭寺至於扇馬亦不可復乘繇是內則伶官巷伯怒目切齒外則舊寮宿將戰手痛心掇其族滅之禍有自來矣復以諸子驕縱不法既定蜀川輦運珍寶實於雒陽之第籍沒之日泥封尚濕雖莊宗季年為羣小所惑致功臣不保其終亦崇韜自貽其禍

安重誨為樞密使四五年間獨綰大任否臧自若環衛

酋長貴戚近習無敢干政者弟牧鄭州子鎮懷孟身為
中令任過其才議者謂必有覆餗之禍無何有吏人李
虔徽弟揚言於衆云相者言之狀今將統軍征淮南時
有軍將密以是聞深駭上聽先是東川帥董璋恃險難
制方多疑忌又以武虔裕為綿州刺史董璋日設猜防
遂繫之叛及王師討蜀峽路艱阻糧運不繼而重誨請
行纔許便辭翌日領數騎而出日馳數百里西諸侯聞
之莫不惶駭所在錢帛糧料星夜輦運齊赴利州人乘

斃踣於山路者不可勝記百姓苦之重誨至鳳翔節度使朱宏昭延於寢室令妻子奉食器敬事尤謹重誨坐中言及昨被人讒搆幾不保全賴聖上保鑒苟獲全族因泣下重誨既辭宏昭遣人具奏重誨怨望出惡言不可令至行營恐奪石敬瑭兵柄而宣徽使孟漢瓊自西廻亦奏重誨已至三泉復歸闕再過鳳翔朱宏昭拒而不納重誨懼急騎奔程未至京師制授河中帥既至鎮心不自安而請致仕制初下其子崇贊崇緒走歸河中

二子初至重誨駭然曰二渠安得來家人欲問故里重誨曰吾知之矣非此渠意是他人教來吾但以一死報國家餘復何言翌日中使至見重誨號泣久之重誨曰公但言其故勿過相慙中使曰人言令公據城異志矣重誨曰吾一死未塞責已負君親安敢輒懷異志遽勞朝廷典師增聖上宵旰則僕之罪更萬萬矣時遣程光鄴使河中如察重誨有異志則誅之既至李從璋自率甲士圍其第仍拜重誨於其庭重誨下階迎拜曰太傅

過禮俛首方拜從璋以搥擊其首其妻驚走抱之曰令
公死亦不遲太傅何遽如此并擊重誨妻首碎竝剝其
衣服夫妻裸形踣於廊下流血盈庭翌日副使判官白
從璋願以衣服覆其屍堅請方許及從璋疏重誨家財
不及數千緡議者以重誨有經綸社稷之大功然志大
才短不能迴避權寵親禮士大夫求周身輔國之遠圖
而悉自恣曾襟果貽顛覆

馮贇為樞密使明宗大漸聞秦王以兵入侍贇自第馳

入皇城與朱宏昭康義誠等同誅秦王語在秦王傳明
宗晏駕閔帝自鄴至京師內外制置皆出宏昭與贊及
潞王至陝閔帝召宏昭不至俄聞自致安從進乃殺贊
於其第贊母初喪棄屍於路妻子俱伏法


朱宏昭為樞密使閔帝即位超加中書令宏昭素猜忌
潞王致其背誕以潞王至陝閔帝懼欲奔馳自手詔宏
昭圖之時將軍穆延暉在宏昭第曰罪我也其如之何
吾兒婦君之女也可速迎歸無令受禍中使繼至宏昭

拔劍大哭至後亭欲自殺家人力止之使捉之急宏昭曰窮至此耶乃自投於井安從進既殺馮贇斷宏昭首俱傳於陝州

晉王瑜為太府少卿杜重威之鎮東平也瑜父欽祚為節度使及重威移帥崇山瑜乃僥求苟合代其父位後自常州一載再遷刑部郎中丙午歲欽祚刺舉義州瑜歸寧至郡會北戎盜據區夏何建以秦州歸蜀瑜說欽祚曰若不西走當為左衽矣厲色數諫怒而不從因其

卧疾涉旬瑜仗劍而脅之曰老懦無謀欲趨炮烙不即為計則死于刃下父不得已而聽之時隴東屯兵新闢扼其川路將北趨蕃部假途而往乃與群盜酋長趙徽軟血為約以兄事之謂之曰西至成都余身為相餘為將爾當領一大郡能遂行乎徽曰諾瑜慮為所賣先致其妻孥館於郡中行有期矣徽潛召其黨伺于郊林之外子夜瑜聚族而出輜重絡繹十有餘里徽之所親循溝澮而遁至馬峽路隅舉燧伏莽齊發斷欽祚之首貫

諸長矛平生聚蓄金幣萬計皆為亂兵所掠少長百口
殆將殄盡瑜尚獨戰千人矢不虛發手捍射其指流血
及鞬箠罄空乃持弓擊人簫弣皆碎夜竄山谷落髮為
僧月餘為樵人所獲繫送岐州為侯益所殺



欽定四庫全書

冊府元龜
卷九百四十二

冊府元龜卷九百四十二

殃報

殃咎之積報應之來蓋物理之昭然亦神道之不爽若
乃無辜被禍懷耻未雪蓄怨攸重居幽必報斯乃冤氣
之所結營魂之不昧者矣若夫苛枉自恣誅殺以逞徒
宴安而滿志亦凶釁之何逃漸若霜冰隨如影響乃有
憑以他類見乎厥夢或恍惚而構癘或因緣而為崇精
爽攸寄變異非一繇是大者以至覆族小者不免滅身
亦有假手於人自斃於法觸類而長不可徧舉斯蓋默

欽定四庫全書

冊府元龜卷九百四十三

宋 王欽若等撰

總錄部

不諛

夫人者最萬物之靈誼者居五行之一故行諛者必克已怨物急病讓夷固其窮不可以利誘守其節不可以兵劫如斯而已矣乃有反道敗德壞法亂紀傾險其行邪僻其心遺骨肉之親棄故舊之好背乎僚友之惠忘

其所事之恩因利乘便竊發構難或肆其慘毒或寘諸刑辟或縱行離間之術或靡顧翻覆之迹擁已自恣蹈害無悔歷代之下比比而有故古人有言曰不恥不仁不畏不諛其斯人之謂乎

子伯季子衛大夫也魯哀公十六年衛侯飲孔悝酒于

平陽

東郡燕縣東北有平陽亭

重酬之大夫皆有納焉

納財賄也

醉而送

之夜半而遣之

夜遣者慚負孔悝不欲令人見

載伯姬於平陽而行

載其

母俱去

及西門

平陽門

使貳車反柝於西圃

使副車還取廟主西圃孔氏廟

殺帶也

駟帶助子哲殺伯有壬子昭公六年二月三日也

明年壬寅余又將殺

段也

公孫段豐氏黨壬寅昭公七年正月二十八日

及壬子駟帶卒國人益懼

壬寅公孫段卒國人愈懼子產立良止以撫之乃止

良止

伯有子也立以為大夫使有宗廟

漢田蚡為丞相既殺魏其侯竇嬰及灌夫明年春蚡疾

一身盡痛若有擊者諱服謝罪

服音的闕西俗謂得杖而呼為的諱火交反的

平卓反武帝使視鬼者瞻之曰魏其侯與灌夫共守管欲

殺之竟死

後漢蘇不韋金城太守謙之子謙為司隸校尉李嵩掠死獄中不韋復讎於嵩殺其兒妾發其父冢武威段紀明與嵩素善紀明既為司隸以禮辟不韋不韋懼之稱病不詣段追咎不韋前報嵩事遣從事張賢就家殺之并其一門六十餘人盡誅滅之諸蘇以是衰破及紀明為楊球所誅天下以為蘇氏之報焉

魏胡种為司隸校尉與王宏有隙宏下獄种遂迫促殺之宏臨命詬曰胡种樂人之禍禍將及之种後眠輒見

宏以杖擊之因發病數日死

胡軫為司隸校尉與功曹游殷有隙軫誣搆殺殷殷死月餘軫得疾患自說但言伏罪游功曹將鬼來於是遂死於時關中稱曰生有知人之明死有貴神之靈

吳于吉者道士也既為孫策所殺策每獨坐彷彿見吉在左右意深惡之頗有失常後治創方差而引鏡自照見吉在鏡中顧而弗見如是再三因撲鏡大叫創皆潰裂須臾而死

孫峻為武衛將軍既誅諸葛恪遷丞相大將軍後夢為恪所擊恐懼發病死

程普為盪寇將軍殺叛者數百人皆使投火普即時病癘百日而卒

晉阮放字思度為交州刺史行達寧浦逢陶侃將高寶平梁碩自交州還放設饌請寶伏兵殺之寶衆擊放敗走保簡陽城得免放到州少時暴發渴見寶為崇遂卒羊聃為廬陵太守坐殺郡人簡良等二百餘人除名頃

之遇疾嘗見簡良等為祟旬日而死

桓溫為大將軍拜高平陵左右覺其有異既登車謂從者曰先帝向遂靈見既不述帝所言故衆莫之知但見將拜時頻言臣不敢而已又問左右殷涓形狀答者言肥短溫云向亦見在帝側初殷涓既為溫所廢死涓頗有氣尚遂不詣溫而與武陵王晞游故溫疑而害之竟不識也及是亦見涓為祟因而過疾凡停京師十有四日歸于姑孰遂寢疾不起

趙染為前趙劉聰平西將軍次新豐會晉將索綝自長安討染染有輕綝之色長史魯徽諫不聽敗績而歸悔曰吾不用徽言何面見之於是斬徽徽臨刑謂染曰死者無知則已若其有知當訴將軍使不得服牀枕而死後染寇北地夢徽大怒引弓射之染驚悸而寤旦將攻城中弩而死

尹興為後涼呂光丘池令時張掖督郵傅曜考覈屬縣而興殺之投諸空井曜見夢于呂光曰臣張掖郡小吏

案核諸縣而丘池令尹興賊狀狼藉懼臣言之殺臣投于南亭空井中臣衣服形狀如是光寤而猶見久之乃滅遣使覆之如夢光怒殺興

宋殷景仁為護軍太祖以景仁計誅劉湛拜景仁揚州刺史遣使者授印綬主簿代拜拜畢便覺其情理乖錯性本寬厚而忽更苛暴問左右曰今年男婚多女嫁多是冬大雪景仁乘輿出聽事觀望忽驚曰當閣何得有
大樹既而曰我誤耶疾轉篤太祖謂不利在州司使還

住僕射下省為州凡月餘卒或云見劉湛為崇

劉季之為司州刺史在州貪殘司馬翟宏業諫爭甚苦
季之積忿置毒藥食中殺之季之少年時與宗慤搆戲
曾手侮加慤慤深銜恨至是慤為豫州刺史都督司州
季之慮慤為禍乃委官問道欲歸朝廷會竟陵王誕反
季之至盱眙太守鄭瑗以季之素為誕所遇疑其同逆
因邀道殺之後瑗為山陽王休祜驃騎中兵參軍豫州
刺史殷琰與晉安王子勛同逆休祜遣瑗及左右邢龍

符說琰琰不受鄭氏壽陽強族琰即使瑗鎮軍子勛青
琰舉兵遲晚琰欲自解釋乃殺龍符送首瑗固爭不能
得及壽陽城降瑗隨輦同出龍符兄僧懃時在城外謂
瑗構殺龍符輒殺之瑗即為劉劭所錄後見原僧懃尋
擊虜於淮西戰死此四人者竝繇橫殺旋受身禍論者
以為有天道焉

檀和之為交州刺史伐林邑國破其北界大戎區粟城
獲金寶無筭毀其金人得黃金數十萬斤餘物稱是和

之後病死見胡神為祟

南齊豫章王嶷薨後忽見形於沈文季曰我未應便死
皇太子加膏中十一種藥使我癱不差湯中復加藥一
種使痢不斷吾已訴先帝帝許還東邸當判此事因胷
中出青紙文書示文季曰與卿少舊因卿呈上俄失所
在文季祕而不傳甚懼此事少時太子薨

莫智明為明帝左右帝遣智明數蕭湛罪賜死湛謂智
明曰天去人亦復不遠我為中領軍與至尊殺高武諸

王是君傳語來去我今死還取卿於省殺之未幾智明
死見諶為崇

蕭季敬為輔國將軍時太子左率領軍蕭詠及兄左衛
將軍諶同被誅季敬啓求收詠深加排苦乃至手相摧
辱詠徐曰已死之人何足至此君不憶相提拔時耶幽
冥有知終當相報季敬麤猛無行善於彌縫高帝時為
詠諶所獎說故累為郡守在政貪穢諶輒掩之後為廣
州刺史白日見詠將兵入城收之數日果為西江都護

周世雄所襲軍敗奔山中為蛭所齧肉都盡而死慘楚備至後為村人所斬論者以為有天道焉

梁沈約為尚書左僕射因病夢齊和帝劔斷其舌召巫視之巫言如夢乃呼道士奏赤章於天稱禪代之事不繇已出高祖聞之大怒遣使者譴責之約懼而卒

後魏南安王楨孝文時為相州刺史以旱祈雨于群神鄴城有石虎廟人奉祀之楨告虎神像云三日不雨當加鞭罰請雨不驗遂鞭像一百是月疽發背薨

元壽興襲常山王素之孫孝文時為中庶子時王顯在東宮賤壽興因公事杖之四十及顯有寵於宣武為御史中尉奏壽興誹謗顯因帝極飲無所覺悟遂奏其事命帝注可直付壽興賜死壽興臨刑顧謂其子曰我棺中可著百紙筆兩枝吾欲訟顯於地下若高祖之靈有知百日內必取顯如遂無知亦何足戀及孝明即位顯尋被殺壽興之死時論亦以為前任中尉彈高讒諷所致

高肇宣武時為尚書令譖殺彭城王勰勰妃司空李冲之女號哭大言曰高肇枉理殺人天道有靈汝還當惡死及肇以罪見殺論者知有報應焉

崔浩為司徒浩非毀佛法而妻郭氏敬好釋典時時讀誦浩怒取而焚之捐灰於廁中及浩幽執置之檻內送於城南使衛士數十人溲其上呼聲嗷嗷聞于行路自宰司之被殘辱未有如浩者世皆以為報應之驗初浩構害李順基萌已成夜夢秉火爇順寢室火作而順死

浩與室家羣立而觀之俄而順弟息號哭而出曰此輩
吾賊也以戈擊之悉投于河寤而惡之以告館客馮景
仁景仁曰此真不善也非復虛事夫以火爇人暴之極
也階亂兆禍復之招也商書曰惡之易也如火之燎於
原不可向邇其猶可撲滅乎且兆始惡者有終殃積不
善者無餘慶厲階成矣公其圖之浩曰吾方思之而不
能悛以至於族

李彪為御史中丞號為嚴酷以奸疑難得乃為木手擊

其脇腋氣絕而復屬者時時有焉又慰諭汾州叛胡得其土渠皆鞭而殺之及彪之病體上往往瘡潰痛毒備極

張始均為行臺郎中從都督元遙討大乘賊於冀瀛之間多所殺戮積屍數萬始均忿軍士重以首級為功乃令檢集人首數千一時焚爇至於灰燼用息僥倖見者莫不傷心及始均之死始未在於煙炭之間有焦爛之痛論者或亦推咎焉

韋伯昕為員外散騎常侍宣武延昌末告尚書裴植謀
為廢黜植坐死後百餘日伯昕亦病卒臨亡見植為祟
口云裴尚書死不獨見繇何以見怒也

于忠為車騎大將軍時高陽王雍省決庶政僕射郭祚
尚書裴植以忠權勢日盛勸雍出忠忠聞之逼有司誣
奏其罪祚有師傅舊恩植擁地入國忠竝矯詔殺之忠
疾病見裴郭為祟而卒

侯莫陳悅為隴右都督時大都督拔嶽台悅共討靈州

悅用其參軍豆盧光之謀誘獄斬之悅自殺獄後神情恍惚不復如常唯言我僅睡即夢見獄語我兄欲何處去隨逐我不相置因此彌不安而致敗滅

北齊高隆之為驃騎大將軍見信高祖性多陰毒睚眦之忿無不報焉儀同三司崔孝芬以結婚姻不果太府卿任集同加營構頗相乖異瀛州刺史元晏請託不遂前後構成其罪竝誅其後隆之被害家門殄滅論者謂有報應焉

韓賢為雒州刺史初後漢明帝時西域以白馬負佛經送雒因立白馬寺其經函傳在此寺形制厚朴世以為古物歷代藏寶賢無故斫破之未幾州民韓木蘭等作逆有一賊斫賢折脛而卒論者或謂賢因此致禍

隋梁敬真大業中為大司理司直時煬帝欲成光祿大夫魚俱羅之罪令敬真治其獄遂希旨陷之極刑未幾

敬真有疾見俱羅為之厲數日而死

于時東都饑饉俱羅遣家僕般米至

東都難之益市財貨潛迎諸子朝廷微知之恐其有異志前後察問不得其罪帝復令敬真就鎖將詣東都俱

羅相表異人目有重瞳陰為帝之所忌敬真希
旨奏俱羅師徒敗衄于是斬東都市家口籍沒

劉蘭為國子助教嘗排毀公羊氏非董仲舒延昌中靜
坐讀書有人叩門門人通馬蘭命引入其人葛巾單衣
入與蘭坐謂蘭曰君自是學士何為每見毀辱理義長
短竟知在誰而過無禮見陵也今欲相召當與君正之
言終而出後蘭告家人少時而患卒

奚康生為相州刺史在州以天旱令人鞭石虎畫像復
就西門豹祠祈雨不獲令吏取豹舌未幾二兒暴喪身

亦遇疾巫以為虎豹之祟

樊子鵠出帝時為御史中尉會宗室元樹奔梁梁武以
為郢州刺史子鵠為行臺率徐州刺史杜德舍人李昭
等討之樹城守不下子鵠使金紫光祿大夫張安期說
之樹請棄城還南子鵠許之殺白馬為盟樹恃誓不為
戰備與杜德別還南德不許送雒陽置在景明寺樹年
十五奔南未及富貴每見高山雲向南未嘗不引領歔
歔初發梁都其愛妹玉兒以金指環與樹嘗著之寄以

還梁表必還之意朝廷知之俄而賜死未幾杜德忽得
狂病云元樹打我不已至死此驚不絕舍人李昭尋奉
使向秦州至潼關驛夜夢樹云我已訴天帝待卿至隴
終不相放昭覺惡之及至隴口為賀拔嶽所殺子鵠尋
為達野拔所殺

樊子蓋為東都留守楊玄感之亂子蓋誅數萬人嚴酷
少恩果於殺戮臨終之日見斷頭之鬼前後重沓為之
厲

唐郭霸則天天授二年自宋州寧陵丞應革命舉拜監察御史嘗推芳州刺史李思徵榜捶考禁不勝而卒聖歷中屢見思徵甚惡之嘗因退朝歸命家人曰速請僧傳經設齋須臾見思徵從數十騎止其庭曰汝枉陷我我今取汝霸周章惶怖援刀自刳其腹斯須蛆爛矣是日閭里竝見兵馬數十騎駐于門少頃不復見矣

崔器以肅宗至德中為御史中丞性苛刻樂禍奏陷賊官據律合處死後器病脚腫月餘漸亟瞑目則見京兆

尹達奚珣但口稱叩頭大尹不自繇左右問之良久答曰達奚大尹訴冤我求之如此經三日不止而死

陳曇德宗貞元中為邕州經畧招討使怒判官劉浚杖二十五浚卒之日曇得疾見浚為祟而卒

舒元興為監察御史時亳州境嘗有羣賊剽人廬舍劫取貨財累致擒捕不獲刺史李繁潛設機謀悉知賊之巢穴出兵盡加誅斬議責繁以不先啓聞廉使涉於擅興之罪朝廷遣元興覆理之元興素與繁有隙復以初

官銳於生事乃盡反其獄辭以為繁濫殺無辜狀奏勅於京兆府賜死時人寃之其後元輿被禍人以為有報應焉

後唐西方鄴為寧江軍節度使為政貪虐判官譚善達每箴其失鄴忿形於色令左右告善達受人金下獄拷掠善達亦剛詞多不遜遂殺於獄中無幾寢疾時見善達入其戶俄卒於治所

晉馬全節為定州節度使自上黨攜歌妓一人之中山

館於外有人以讒言中之全節加害及詔除鎮州遇病數見其妓厭之復來妓曰我已得訴要公俱行全節具告家人數日而卒

漢蘇逢吉自高祖建號於太原以節度判官拜平章事時宰相李崧被誅人士寃之及逢吉受宣權知樞密院事數夕宿於金祥殿之東謂春官正王處訥曰夜來就枕未暝已見李崧在傍生人與死人相接非吉事也及周太祖自鄴至汴官軍敗於劉子陂是夕逢吉宿於七

里郊與同舍痛飲醉索刃將自剄左右止之至曙與隱
帝同抵民舍遂自殺周太祖定京城與聶文進等同梟
於北市釋其家族其梟首之所適當李崧寃死之地也
周鄭仁誨為侍中初廣順末王殷受詔赴闕太祖遣仁
誨赴鄴都巡檢及殷得罪仁誨不奉詔即殺其子蓋利
其家財妓樂也及仁誨卒而無後人以為陰責焉

冊府元龜卷九百四十一

欽定四庫全書

冊府元龜卷九百四十二 宋王欽若等撰

總錄部

黷貨 禍敗

黷貨

書稱黷貨無厭詩惡貪人敗類是知冒于貨賂先賢所
譏若乃彩纓入仕代耕受祿不能澡身而自潔乃復受
財以逞欲至使外資敵國旁通絕塞求媚富室苟利私

家繇是正呂刑之文加蕭斧之戮千載之下恥莫大焉
伯封樂正后夔之子實有豕心貪惛無厭

漢項伯項羽兄也高祖為漢王王巴蜀賜張良金百鎰

二十兩曰鎰秦以鎰名金若漢之論斤也珠二斗良俱以獻項伯漢王亦因

令良厚遺項伯使請漢中地本不盡於漢中故請求之項王許之

周意封汾陰侯孝文十二年坐行受財髡為城旦

許元封宋子侯孝景中二年坐寄使匈奴買塞外禁物
免

衛侈封樂平侯孝武建元六年坐買田宅不法有請賊吏死

薛歐封廣平侯元狩元年坐受淮南賂稱臣在赦前免楊毋害封赤泉侯坐許給人贓六百免

任當干嗣梁期侯宣帝太始四年坐買馬一疋價錢十五萬過平贓五百以上免

陳湯為從事中郎時大司馬王商不善湯按驗湯諸所犯湯前為騎都尉王莽上書言父早死獨不封毋明君

共養皇太后尤勞苦

恭傳言恭母渠今此云明君則明君者字也

宜封竟為

新都侯後皇太后同母弟苟參為水衡都尉死子伋為

侍中參妻欲為伋求封湯受其金五十斤許為求比上

奏

比例也音必寐反

弘農太守張匡坐贓百萬以上狡猾不道

有詔即訊

就其所居考問之

恐下獄使人報湯湯為訟罪得踰

冬月許謝錢二百萬

後漢傅昌封蕪湖侯

蕪湖縣名屬丹陽郡

章帝建初中遭母憂因

上書以國貧不願之封乞錢五十萬為關內侯帝怒貶

為關內侯竟不賜錢

魏丁斐初從太祖性好貨數請取犯法輒得原宥為典
軍校尉

晉桓玄既自署太尉性貪鄙好奇異尤愛寶物珠玉不
離于手人士有法書好畫及佳園宅者悉欲歸已猶難
逼奪之皆捕博而取遣臣佐四出掘果移竹不遠數千
里百姓佳果美竹無復遺餘

殷仲文桓玄篡位時以佐命親貴厚自封崇輿馬器服

窮極綺麗後房妓妾數十絲竹不絕音性貪吝多納貨
賄家累千金常若不足

宋王僧達為太子洗馬母憂去職與兄錫不協錫罷臨
海郡還送故及奉祿百萬以上僧達一夕令奴輦取無
復所餘

阮佃夫既以弑廢帝及太宗即位論功行賞壽寂之封
應城侯佃夫建城侯餘有封時佃夫及王道隆楊運長
竝執權權亞人主大通貨賄凡事非賂不行人有餉佃

夫絹二百疋嫌少不答

後魏張僧皓明帝孝昌中徵為散騎侍郎不赴世號徵君僧皓好產業孜孜不已藏錫巨萬他資亦稱是兄弟自供儉約車馬瘦敝身服布裳而婢妾紈綺僧皓尤好捕奕戲不擇人是以獲譏於世

隋宇文述為太子左衛率時申國公李穆孫筠卒高祖議立嗣而穆第十子渾規欲紹之述即其妻兄也渾謂述曰若得襲封當以國賦之半每歲奉公述利之因入

白皇太子曰立嗣以長不則以賢今中國公嗣絕徧觀其子孫皆無賴不足以當榮寵唯金才有勳於國謂非此人無可以襲封者太子許之竟奏高祖封渾為中國公奉穆嗣

字文化及自煬帝為太子時領千牛軍見人子女狗馬珍玩必請託求之嘗與屠販者遊以規其利累遷至太子僕射數以受納貨賄再三免官太子嬖昵之尋復職唐李慶遠睿宗景雲中為左帥府右郎將初慶遠從皇

太子誅韋氏有功其後恃寵多受貨賄按問得實命杖
一百放于嶺表

于翬為奉天令時憲宗起山陵翬與山陵使親吏韋正
收及陰陽官等同隱官錢十五萬貫不給工徒事發皆
伏誅

後唐盧汝弼客游上黨丁會薦武皇即代李襲吉為副
使軍國政務委其參決莊宗嗣晉王位乃承制署吏又
得汝弼有若符契繇是除補之命皆出於汝弼之手既

而畿內官吏考課擬議奔走盈門頗以賄賂聞人士少之莊宗嘉其才不之詰

李全暉乾祐中為禮賓使與副使高行進減刻蕃部買馬錢下開封府勘問皆伏罪竝決杖流房州

周馬從斌世宗顯德中為殿中監初從斌有女適故晉國公霍彥成之子承誣後數歲俱亡有息女一人年五六歲從斌收而養之霍氏資業竝為從斌所據既而從斌令其女弟尼德堅私度霍氏為尼未幾而卒乃盡收

其邸第復貿其資產乾沒其直至是為霍氏近親所訟
下御史府按之得實免官

禍敗

古人有言禍福無門惟人自召既有積善之慶豈無禍
淫之責人事易辨陰隲難誣求而得之又何怨也觀夫
蛇虺之行溪壑之心欺罔君親絕棄仁義殘忍不道貪
冒無厭莫不十目所視衆怒難犯天肆惡盈之罰鬼得
復讎而誅孽不可逭速如影響大則兵連禍結災延方

域小則巢傾卵碎辱及宗親猶謂不幸豈非痛哉所以克己復禮謙謙君子戰然而笑矣

秦衛鞅孝公時為左庶長定變法之令太子犯法刑其傅公子虔復犯約劓之孝公卒太子立公子虔之徒告商君欲反發吏捕商君商君亡至闕下欲舍客舍舍人不知其是商君也曰商君之法舍人無驗者坐之商君喟然歎曰嗟乎為法之弊一至此哉去之魏魏人怨其欺公子卬而破魏師弗受商君欲之他國魏人曰商君

秦之賊秦之疆而賊入魏弗歸不可遂囚入秦商君既

復入秦走商邑與其徒屬發邑兵北出擊鄭京北鄭縣也秦

發兵攻商君殺之於鄭黽池黽或作彭秦惠王車裂商君以

狗曰莫如商鞅反者遂滅商君之家

呂不韋為相國始皇九年有告嫪毐實非宦者嘗與太

后私亂生子二人皆匿之與太后謀曰王即薨以子為

後毒與侍中左右貴臣博飲酒醉爭言而鬪瞋目大叱曰吾乃皇帝假父也窶人子何敢乃與我亢所與鬪

者走以白始皇於是秦王下吏治具得情實事連相國呂不韋

九月夷嫪毐三族殺太后所生兩子而遂遷太后於雍諸嫪毐舍人皆沒其家而遷之蜀王欲誅相國為其奉先王功大及賓客辯士為游說者衆王不忍致法秦王十年十月免相國呂不韋及齊人茅焦說秦王秦王乃迎太后於雍歸復咸陽入南宮而出文信侯就國河南歲餘諸侯賓客使者相望於道請文信侯秦王恐其為變乃賜文信侯書曰君何功於秦秦封君河南食十萬戶君何親於秦號稱仲父其與家屬徙處蜀呂不韋自

度稍侵恐誅乃飲酖而死

呂覽曰不韋冢在河南雒陽北邙道西大冢是也民傳言

呂母冢不韋妻先葬故其冢名呂母也

秦王所加怒呂不韋嫪毐皆已死

皆復歸嫪毐舍人遷蜀者

漢主父偃為齊相初尊立衛皇后及發燕王定國陰事

偃有功焉大臣皆畏其口賂遺累千金或說偃曰大橫

橫音胡孟反

偃曰臣結髮游學四十餘年身不得遂

遂猶達也親

不以為子昆弟不收賓客棄我我阨日久矣丈夫生不

五鼎食死則五鼎烹爾吾日暮故倒行逆施之

日暮言年已老

也倒行逆施謂不遵常理後以齊王自殺遂族偃

王溫舒為河內太守好殺行威遷為中尉坐以法免後拜為少府徙右內史治如其故姦邪少禁坐法失官復

為右輔行中尉事如故操歲餘會宛軍發發兵伐大宛詔徵

豪吏溫舒匿其吏華成及人有變告溫舒受員騎錢它

姦利事罪至族自殺員騎騎之有正員也其時兩弟及兩婚家亦

各自坐它罪而族光祿勳徐自為曰悲夫夫古有三族

而王溫舒坐罪至同時而五族乎溫舒與弟同三族而兩妻家各一故為五

也
溫舒死家累千金

董賢為大司馬哀帝末太皇太后召賢引見東廂問以喪事調度賢內憂不能對免冠謝太后曰新都侯王莽前以大司馬奉送先帝大行曉習故事吾令莽佐君賢頓首幸甚太后遣使者召莽既至以太后指使尚書劾賢帝病不親醫藥禁止賢不得入出宮殿司馬中賢不知所為詣闕免冠徒跣謝莽使謁者以太后詔即闕下冊賢

即就也

曰間者以來陰陽不調菑害竝臻

菑古災字

元元

蒙辜

蒙被也

夫三公鼎足之輔也高安侯賢未更事理

更歷

也音工
衡反

為大司馬不合衆心非所以折衝綏遠也其收

大司馬印綬罷歸第即日賢與妻皆自殺家惶恐夜葬

莽疑其詐死有司奏請發賢棺至獄診視

謂發冢取其棺柩也診驗

也音軫

莽復風大司徒光奏賢

風讀曰諷光孔光也

質性巧佞翼姦

以獲封侯

翼進也

父子專朝兄弟竝寵多受賞賜治第宅

造冢壙放效無極不異王制

放依也音甫往反

費以萬萬計國

家為空虛父子驕蹇至不為使者禮

言不敬天子之使

受賜不

拜臯惡暴著賢自殺伏辜死後父恭等不悔過乃復以

砂畫棺

以硃砂塗之而又雕畫也

四時之色左蒼龍右白虎上著金

銀日月玉衣珠璧以棺

以此物棺斂也棺音工喚反

至尊無以加恭

等幸得免誅不宜在中土臣請收沒入財物縣官諸以

賢為官者皆免父恭弟寬信與家屬徙合浦母別歸故

郡鉅鹿長安中小民謹諱鄉其弟哭幾獲盜之

陽往哭之實欲

竊盜也鄉讀曰

縣官斥賣董氏財凡四十三萬賢既見

發羸診其尸

羸露形也音郎果反

因埋獄中

原涉字巨先祖父武帝時以豪傑自陽翟徙茂陵涉性外溫仁謙遜而內隱好殺睚眦於塵中觸死者甚多王莽末為鎮戎大尹莽敗更始西屏將軍申屠建請涉與相見大重之故茂陵令尹公壞涉冢舍者為建主簿涉本不怨也涉從建所出尹公故遮拜涉謂曰易世矣宜勿復相怨涉曰尹君何以魚肉涉也

言以涉為魚肉不以人遇之

涉

用是怒使客刺殺主簿涉欲亡去申屠建內恨恥之陽言吾欲與原巨先共鎮三輔豈以一吏易之哉賓客通

言令涉自繫獄謝建許之賓客車數十乘共送涉至獄

建遣兵道徼取涉於車上

徼要也音
工堯反

送車分散馳遂斬

涉縣首長安市

後漢牛輔為中郎將董卓子婿營中無故大驚輔懼乃

齎金寶踰城走左右利其貨斬輔送首長安

獻帝紀曰
輔帳下支

胡赤兒等素待之過急盡以家寶與之自帶二千餘餅
金大白珠瓔胡謂輔曰城北已有馬可去也以繩繫輔
腰踰城懸下之未及地支胡放之輔傷腰
不能行諸胡共取其金并珠斬首詣長安

公孫瓚獻帝時為奮武將軍因怒袁紹遂出軍屯槃河

將以報紹

即九河鉤
繫之河也

乃上疏紹罪紹懼以所佩渤海

太守印綬授瓚從弟範遣之郡欲以相結範遂背紹領
渤海兵以助瓚與紹大戰瓚軍敗還薊後保易京建安
三年袁紹復大攻瓚瓚遣子續請救於黑山諸帥而欲
自將突騎直出傍西山以斷紹後長史關靖諫曰今將
軍將士莫不懷瓦解之心所以猶能相守者顧戀其老
小而恃將軍為主故爾堅守曠日或可使紹自退若舍
之而出後無鎮重易京之危可立待也瓚乃止紹漸相

攻逼瓚衆日蹙乃却築三重營以自固四年春黑山賊
帥張燕與續率兵十萬三道來救瓚未及至瓚乃密使
行人賫書告續曰昔周末喪亂殭屍蔽地以意而推猶
為否也不圖今日親當其鋒袁氏之攻狀若鬼神梯衝
舞吾樓上鼓角鳴於地中日窮月急不遑啓處烏旯歸
人瀦水陵高汝當碎首於張燕馳驟以告急父子天性
不言而動且厲五千鐵騎於北隰之中起火為應吾當
自內出奮揚威武決命於斯不然吾亡之後天下雖廣

不容汝足矣。紹候得其書，如期舉火。瓚以為救至，遂使出戰。紹設伏兵，瓚遂大敗。還保中小城，自計必無全。乃悉縊其姊妹妻子，然後引火自焚。紹兵趣登臺，斬之。續為屠密所殺。

袁術既僭號，而士卒凍餒，江淮間空盡。人民相食，術前為呂布所破，後為太祖所敗，奔其部曲雷薄、陳蘭於潯山。復為所拒，憂懼不知所出。將歸，帝號於從弟紹，欲至青州。從袁譚發病道死。

吳書曰：術既為雷薄等所拒，留住三日，士衆絕糧，乃還至江亭。

去壽春八十里問厨下尚有麥屑三十斛時盛夏欲得
蜜漿又無蜜坐櫺牀上歎息良久乃大咤曰袁術至於
此乎因頓伏牀下嘔
血斗餘因而遂死

袁譚紹之子也

譚父為冀州牧

曹公之在鄴譚畧取甘陵安平

渤海河間攻弟袁尚於中山尚走固安從其兄袁熙譚
悉收其衆會曹公將討之譚乃拔平原并南皮自屯龍
湊譚欲出戰軍未合而破譚被髮驅馳追者意非常人
趨奔之譚墮馬曰吐而過我我能富貴汝言未絕口頭
已斷地曹公擊袁尚袁熙至遼西尚熙與烏丸逆軍戰

敗走奔遼東公孫康誘斬之送其首

尚為人有勇力欲奪取康衆與熙謀

曰今到康必相見欲與兄手擊之有遼東猶可以自廣也康亦心計曰今不取熙尚無以為悅於國家乃先置其精勇於廐中然後請熙尚入康伏兵出皆縛之坐於凍地尚寒求席曰未死之間寒不可忍可相與席熙曰頭顱方行萬里何席之為遂斬首譚字顯思熙字顯雍

晉石崇為衛尉諂事賈謐及謐誅崇以黨與免官時趙王倫專權崇甥歐陽建與倫有隙崇有妓曰綠珠美而艷善吹笛孫秀使人求之崇時在金谷別館方登涼臺臨清流婦人侍側使者以告崇盡出其婢妾數十人以

示之皆蘊蘭麝被羅縠曰在所擇使者曰君侯服御麗則麗矣然本受命指索綠珠不識孰是崇勃然曰綠珠吾所愛不可得也使者曰君侯博古知今察遠炤邇願加三思崇曰不然使者出而又反崇竟不許秀怒乃勸倫誅崇建亦潛知其計乃與黃門郎潘岳陰勸淮南王允齊王罔以圖倫秀秀覺之遂矯詔收崇及潘岳歐陽建等崇正宴於樓上介士到門崇謂綠珠曰我今為爾得罪綠珠泣曰當效死於官前因自投於樓下而死崇

曰吾不過流徙交廣爾及車載詣東市崇乃歎曰奴輩利吾家財收者答曰知財致害何不早散之崇不能答崇母兄弟妻子無少長皆被害死者十五人崇時年五

十二

楊駿為太傅大都督假黃鉞錄朝政百官總已多樹親黨皆領禁兵於是公室怨望天下憤然殿中中郎孟觀李肇與黃門董猛及汝南王亮楚王瑋謀誅之殿中兵出燒駿府又令弩士於閣上臨駿府而射之駿兵皆不

得出駿逃于馬廐以戟殺之觀等受賈后密旨誅駿親黨皆夷三族死者數十人

賈謚為侍中領祕書監謚者賈充外孫韓壽之子也充養以為後與賈后共謀誣陷愍懷太子及趙王倫廢后以詔召謚於殿前將戮之走入西鐘下呼曰阿后救我乃就斬之韓壽少弟蔚及壽兄鞏令保弟散騎郎預吳王友鑒謚賈母賈午皆伏誅

孫旂為平南將軍子弼及弟子髦輔琰四人與孫秀合

族及趙王倫起事夜從秀開神武門下觀閱器仗兄弟
旬日相次為公府掾尚書郎弼又為中堅將軍領尚書
左丞輔為上將軍領射聲校尉髦為武衛將軍領太子
詹事琰為武威將軍領太子左率皆賜爵開國郡侯推
崇旂為車騎將軍開府旂初以弼等受署偽朝遣小息
回責讓弼等以過差之事必為家禍弼等終不從旂制
之不可但慟哭而已及齊王冏起義四子皆伏誅襄陽
太守岱承冏檄誅旂夷三族

杜曾自稱南中郎將及王廙為荊州刺史曾距之廙使將朱軌趙誘擊曾皆為曾所殺王敦遣周訪討之屢戰不能剋訪潛遣人緣山開道出曾不意以襲之曾衆潰其將馬雋蘇溫等執曾詣訪降訪欲生致武昌而朱軌息昌趙誘息裔皆乞曾以復寃於是斬曾而昌裔變其肉而噉之

祖約為鎮西將軍蘇峻舉兵約從之既敗奔於石勒勒薄其為人不見者久之勒將程遐說勒曰天下粗定當

顯明順逆此漢高祖所以斬丁公也今忠於事君者莫不顯擢背叛不臣者莫不夷戮此天下所以歸伏大王也祖約猶存臣竊惑之且約大引賓客又占奪鄉里先人田地地主多怨於是勒乃詐約曰祖侯遠來未得善歡可集子弟一時俱會至日勒辭之以疾令遐請約及其宗室約知禍及大飲醉既至于市抱其外孫而泣遂殺之并其親屬中外百餘人悉滅之婦女妓妾班賜諸

胡

後魏和跋為尚書性尤奢淫太祖戒之弗革將刑太祖命其諸弟毗等視訣跋謂毗曰灑北地瘠可居水南就耕良田廣為產業各相勉勵務自纂脩令之背已曰汝曹何忍視吾之死也毗等解其微意詐稱使者亡奔長安追之不及太祖怒遂誅其家

崔逞初仕慕容燕以留臺尚書亡歸道武帝亦以為尚書後為御史中丞有罪賜死及其孫獻孝文帝初以交通境外伏誅自逞之死至獻之誅三世積五十餘年而

在此一門盡矣

費穆為武衛將軍爾朱榮向雒穆勸其大行誅罰榮心然之於是遂有河陰之事天下聞之莫不切齒及元顥內逼莊帝北幸穆遂降顥顥以河陰酷濫事起於穆引入詰讓出而殺之

爾朱世隆兄弟各擁強兵割剝四海世隆既摠朝政生殺自繇及高歡起兵仲遠度律等愚戇恃強不以為慮而世隆獨深憂恐及天光戰敗世隆請出收兵節閔帝

不許世隆令其外兵參軍陽叔淵單騎馳赴北中簡閱
敗衆以次內之而斛斯椿未得入城詭說叔淵曰天光
部下皆是西人聞其欲掠京邑遷都長安宜先內我以
為其備叔淵信而內之椿既至橋盡殺世隆黨附令行
臺長孫雅詣闕奏狀別使都督賈智張歡率騎掩執世
隆與兄彥伯俱斬時年三十三

北齊高乾為魏司空為莊帝所殺乾臨死神色不變見
者莫不歎息焉時武衛將軍元整監刑謂乾曰頗有書

及家人乎乾曰吾兄弟分張各在異處今日之事想無全者兒子既小未有所識亦恐巢傾卵破夫欲何言

唐來俊臣則天朝歷雒陽令司農少卿恣行羅織多所陷害自侯王將相被其羅織受戮者不可勝計復自稱其才可比石勒朝野聞而彌懼又將誣告皇嗣及廬陵王與南北衙將相謀反並因此傾動宗社自取國權俊臣與其黨衛遂忠飲醉自糾發繇是得罪制曰來俊臣閭巷小人奸險有素以其頗申糾摘將謂微効款誠遂

拔自泥塗齒于簪紱歲月滋久涓埃莫施專搆凶邪每
相朋扇隱逆賊之妹尤深嬖寵逼良家之女以為妾媵
作威作福無禮無義剝奪甚萑蒲之盜贓賄踰丘山之
積諸王等磐石宗枝必期毀敗南北衙文武將相咸將
傾危冀得竊弄機權方擬潛為悖逆無君之心已著不
臣之迹顯然天下側目含靈切齒擢其髮不足以數罪
粉其骨不足以塞愆棄市之刑嚴科未極汙宮之辟輿
議所歸宜加赤族之誅以雪蒼生之憤可准法籍沒其

家時年四十七俊臣及伏誅讎人皆齧其肉噉之斯須而盡遠近莫不稱慶

高駢鎮淮南為秦彥幽辱計口給食自五月至八月外圍益急供事遂闕庖人以道院欄檻及諸木像毀而為薪以續晨爨時秦彥畢師鐸頻為楊行密所敗頗疑道院禳制使然又慮一旦府城不守或致竄逸有妖尼王奉仙者謂秦彥曰此間氣候當損一大貴人地方始安以此言故害之是日駢晨起啜粥左右走告云有兵馬

來言未畢衆已及階駢謂其徒曰軍府之事有監軍使
及大將軍在汝輩莫無禮因命左右召秦彥詞氣甚厲
群兇憚焉久之有卒自後揮肱中之遂牽下階倉皇之
際猶仰首顧望若有所伺及就刀斷而不殊明日外圍
知之皆向城大慟競以紙錢奠而焚之先是駢嘗戒羣
子曰汝等善自為謀吾必不學俗物死入四片板中以
累於汝矣至是以諸姪同坎而瘞唯駢以舊氊包之正
符所言及呂用之伏誅有軍人於中堂發得一石函內

有銅人一枚長三尺餘身被桎梏口貫長釘曾上疏駢鄉貫甲子官品姓名為厭勝之事以是駢每為用之所制如有助焉其後楊行密入城署駢諸孫愈為節度副使令主喪事愈乃發穴長幼凡六人皆斂棺柩自道院遷于愈家既月餘愈又暴終明年四月孫孺下廣陵勅其故吏曠師虔等葬之

後唐溫韜初仕梁為許州節度使明宗即位流于德州俄賜死長子延濬清泰中為泥水關使次延沼為父牙

帳都校次延袤鄧州指揮使咸聚居許下晉天福初聞張從賓作亂於河陽咸往依之從賓慮其難制悉斬于

帳下

明宗自鄴初至雒陽霍彥威怒韜前事與段凝同收下獄尋釋之下教放歸田里天成二年竄於德

州是歲秋九月詔曰德州流人溫韜生為黔首起自綠林依憑中夏干戈劫盜本朝陵寢遼州流人段凝豺狼類性梟獍為謀無辜而幾害平人得便而嘗懷逆節盧州司戶陶玘曾司藩翰恣贖貨財自處竄流彌興怨望門發文字扇搖戎帥原州司馬聶輿擢從班列委出親賢不守條章強買店宅其後細詢行止頗駭聽聞喪妻未及於半年別成婚媾棄母動逾於千里不奉晨昏而皆自抵刑章各行竄逐都無省過但出怨詞在朕意雖欲含弘於物論固難容舍尚全大體只罪一身竝令本

死處賜

王鎔為鎮州節度使令其子昭祚與張文禮以兵圍李宏規及軍司馬李藹宅竝族誅之誑誤者凡數十家又殺蘇漢衡收部下偏將下獄窮其反狀親軍大恐時諸軍皆有給賜唯親軍不時與之衆心益懼張文禮因其反側密諭之曰王此夕將坑爾曹宜自圖之衆皆掩泣相謂曰王待我如是我等焉能效忠是夜親軍十餘人自子城西門尋垣而入鎔方焚香受籙軍士二人突入

斷其首袖之而出遂焚府第煙焰亘天兵士大亂鎔姬
妾數百皆赴水投火而死軍校有張支順者率軍人至
張文禮第請為留後遂盡殺王氏之族

張文禮為鎮州大將殺節度使王鎔盜其州比廝役小
人驟居人上行步動息皆不自安出則千餘人露刃相
隨日殺不辜道路反目嘗慮我師問罪奸心百變南通
朱氏北結契丹往往擒獲其使莊宗遣人送還文禮繇
是愈恐是歲八月莊宗遣閻寶史建塘及趙將符習等

率王鎔本軍進討師興文禮病疽於腹及聞史建瑋攻下趙州驚悸而卒子處瑾據鎮州李存審為北面招討使以攻鎮州是時處瑾危蹙日甚昭義軍節度判官任圜馳至城下諭以禍福處瑾登陴以誠告乃遣牙將張彭送款於行臺俄而李存審師至城下是夜趙將李再豐之子冲投縋以接王師諸軍登城遲明畢入獲處瑾處球處琪并其母及同惡人等皆折足送行臺鎮人請醢而食之入發文禮之尸磔之於市

郭崇韜為樞密使嘗從容謂繼岌曰蜀平之後王為太子候主上千秋萬歲神器在手宜盡去宦官優禮士族不唯疎斥閭寺至於扇馬亦不可復乘繇是內則伶官巷伯怒目切齒外則舊寮宿將戰手痛心掇其族滅之禍有自來矣復以諸子驕縱不法既定蜀川輦運珍寶實於雒陽之第籍沒之日泥封尚濕雖莊宗季年為羣小所惑致功臣不保其終亦崇韜自貽其禍

安重誨為樞密使四五年間獨綰大任否臧自若環衛

酋長貴戚近習無敢干政者弟牧鄭州子鎮懷孟身為中令任過其才議者謂必有覆餗之禍無何有吏人李虔徽弟揚言於衆云相者言之狀今將統軍征淮南時有軍將密以是聞深駭上聽先是東川帥董璋恃險難制方多疑忌又以武虔裕為綿州刺史董璋日設猜防遂繫之叛及王師討蜀峽路艱阻糧運不繼而重誨請行纔許便辭翌日領數騎而出日馳數百里西諸侯聞之莫不惶駭所在錢帛糧料星夜輦運齊赴利州人乘

斃踣於山路者不可勝記百姓苦之重誨至鳳翔節度使朱宏昭延於寢室令妻子奉食器敬事尤謹重誨坐中言及昨被人讒搆幾不保全賴聖上保鑒苟獲全族因泣下重誨既辭宏昭遣人具奏重誨怨望出惡言不可令至行營恐奪石敬瑭兵柄而宣徽使孟漢瓊自西廻亦奏重誨已至三泉復歸闕再過鳳翔朱宏昭拒而不納重誨懼急騎奔程未至京師制授河中帥既至鎮心不自安而請致仕制初下其子崇贊崇緒走歸河中

二子初至重誨駭然曰二渠安得來家人欲問故里重誨曰吾知之矣非此渠意是他人教來吾但以一死報國家餘復何言翌日中使至見重誨號泣久之重誨曰公但言其故勿過相慙中使曰人言令公據城異志矣重誨曰吾一死未塞責已負君親安敢輒懷異志遽勞朝廷典師增聖上宵旰則僕之罪更萬萬矣時遣程光鄴使河中如察重誨有異志則誅之既至李從璋自率甲士圍其第仍拜重誨於其庭重誨下階迎拜曰太傅

過禮俛首方拜從璋以搥擊其首其妻驚走抱之曰令
公死亦不遲太傅何遽如此并擊重誨妻首碎竝剝其
衣服夫妻裸形踣於廊下流血盈庭翌日副使判官白
從璋願以衣服覆其屍堅請方許及從璋疏重誨家財
不及數千緡議者以重誨有經綸社稷之大功然志大
才短不能迴避權寵親禮士大夫求周身輔國之遠圖
而悉自恣曾襟果貽顛覆

馮贇為樞密使明宗大漸聞秦王以兵入侍贇自第馳

入皇城與朱宏昭康義誠等同誅秦王語在秦王傳明宗晏駕閔帝自鄴至京師內外制置皆出宏昭與贊及潞王至陝閔帝召宏昭不至俄聞自致安從進乃殺贊於其第贊母初喪棄屍於路妻子俱伏法


朱宏昭為樞密使閔帝即位超加中書令宏昭素猜忌潞王致其背誕以潞王至陝閔帝懼欲奔馳自手詔宏昭圖之時將軍穆延暉在宏昭第曰罪我也其如之何吾兒婦君之女也可速迎歸無令受禍中使繼至宏昭

拔劍大哭至後亭欲自殺家人力止之使捉之急宏昭曰窮至此耶乃自投於井安從進既殺馮贇斷宏昭首俱傳於陝州

晉王瑜為太府少卿杜重威之鎮東平也瑜父欽祚為節度使及重威移帥崇山瑜乃僥求苟合代其父位後自常州一載再遷刑部郎中丙午歲欽祚刺舉義州瑜歸寧至郡會北戎盜據區夏何建以秦州歸蜀瑜說欽祚曰若不西走當為左衽矣厲色數諫怒而不從因其

卧疾涉旬瑜仗劍而脅之曰老懦無謀欲趨炮烙不即為計則死于刃下父不得已而聽之時隴東屯兵新闢扼其川路將北趨蕃部假途而往乃與群盜酋長趙徽軟血為約以兄事之謂之曰西至成都余身為相餘為將爾當領一大郡能遂行乎徽曰諾瑜慮為所賣先致其妻孥館於郡中行有期矣徽潛召其黨伺于郊林之外子夜瑜聚族而出輜重絡繹十有餘里徽之所親循溝澮而遁至馬峽路隅舉燧伏莽齊發斷欽祚之首貫

諸長矛平生聚蓄金幣萬計皆為亂兵所掠少長百口
殆將殄盡瑜尚獨戰千人矢不虛發手捍射其指流血
及鞬箠罄空乃持弓擊人簫弣皆碎夜竄山谷落髮為
僧月餘為樵人所獲繫送岐州為侯益所殺



欽定四庫全書

冊府元龜
卷九百四十二

冊府元龜卷九百四十二

欽定四庫全書

子部

冊府元龜卷九百四十三至
五

詳校官中書臣賈鏞

侍讀臣孫球覆勘

總校官庶吉士臣何思鈞

校對官庶吉士臣毛鳳儀

謄錄監生臣朱錫彤

欽定四庫全書

冊府元龜卷九百四十三 宋 王欽若等撰

總錄部

不諛

夫人者最萬物之靈誼者居五行之一故行諛者必克已怨物急病讓夷固其窮不可以利誘守其節不可以兵劫如斯而已矣乃有反道敗德壞法亂紀傾險其行邪僻其心遺骨肉之親棄故舊之好背乎僚友之惠忘

其所事之恩因利乘便竊發構難或肆其慘毒或寘諸刑辟或縱行離間之術或靡顧翻覆之迹擁已自恣蹈害無悔歷代之下比比而有故古人有言曰不恥不仁不畏不諛其斯人之謂乎

子伯季子衛大夫也魯哀公十六年衛侯飲孔悝酒于

平陽

東郡燕縣東北有平陽亭

重酬之大夫皆有納焉

納財賄也

醉而送

之夜半而遣之

夜遣者慚負孔悝不欲令人見

載伯姬於平陽而行

載其

母俱去

及西門

平陽門

使貳車反柝於西圃

使副車還取廟主西圃孔氏廟

所在柘藏
主石函

子伯季子初為孔氏臣新登于公升為大夫請追

之遇載柘者殺而乘其車

子伯殺
載柘者

許公為反柘

孔悝怪
載柘者

久不來使公
為反逆之

遇之曰與不仁人爭明無不勝

不仁人謂
子伯季子

也明無不
勝言必勝

必使先射射三發皆遠許為許為射之殪

傳言

子伯不仁
所以死也

或以其車從

從為
公

得柘於橐中孔悝出奔宋

吳起者衛人也好用兵嘗學於曾子事魯君齊人攻魯

魯欲將吳起吳起娶齊女為妻而魯疑之吳起於是欲

就名遂殺其妻以明不與齊也魯卒以為將而攻齊大

破之

漢韓信既徙為楚王都下邳項王亡將鍾離昧

昧音莫
曷反

家在伊廬

東海胸南
有此邑

素與信善項王敗昧亡歸信漢怨

昧聞在楚詔楚捕之信初之國行縣邑陳兵出入

行音
下吏

反有變告信欲反

凡言變告者謂
告非常之事

書聞

聞於
天子

帝患之用

陳平謀偽游於雲夢者實欲襲信信弗知高祖且至楚

信欲發兵自度無罪

度音大
各反

欲謁帝恐見禽人或說信

曰斬昧謁上上必喜亡患信見昧計事昧曰漢所以不

擊取楚以昧在公若欲捕我自媚漢吾今死公隨手亡
矣乃罵信曰公非長者卒自剄信持其首謁於陳高祖
令武士縛信載後車械信至雒陽赦以為淮陰侯

樓護為廣漢太守元始中王莽為安漢公專政莽長子
宇與妻兄呂寬謀以血塗莽第門欲懼莽令歸政發覺
莽大怒殺宇而呂寬亡寬父素與護相知寬至廣漢過

護不以事實語也到數日名捕寬詔書至舉姓名而捕之也護

執寬莽大喜徵護人為前輝光莽分三輔置前輝光後承烈以護為之輝音暉

封息鄉侯列於九卿

後漢隗囂字季孟天水成紀人也囂季父崔素豪俠能
得衆聞更始立王莽兵連敗遂聚衆數千人乃與兄義
及上邽人楊廣等共推囂為上將軍崔為白虎將軍義
為左將軍更始二年徵囂與崔及義至長安更始以囂
為右將軍崔義皆即舊號其冬崔義謀欲叛歸囂懼并
禍即以事告之崔義誅死更始感囂忠以為御史大夫
子密者彭寵之蒼頭也彭寵反自立為燕王建武五年

春寵齋獨在便室

便坐之室非正室也

子密等三人因寵卧寐共

縛著牀告外吏云大王齋禁皆使吏休偽稱寵命教收

縛奴婢各置一處又以寵命呼其妻妻入大驚

東觀記曰妻入

驚曰奴反奴乃其妻頭擊其頰

寵急呼曰趣為寵寵謂守奴曰若小

兒我素所愛也今為子密所迫劫爾解我縛當以女妹

妻汝家中財物皆與若小奴意欲解之視戶外見子密

聽其語遂不敢解於是收金玉衣物至寵所裝之被馬

六匹使妻縫兩縑囊昏夜後解寵手令作記告城門將

軍云今遣子密等至子后蘭卿所速開門出勿稽留之

稽停也

書成即斬寵及妻頭置囊中使持記馳出城因以

詣闕封為不義侯

呂布字奉先五原郡九原人也以驍武給并州刺史丁

原為騎都尉屯河內以布為主簿大見親待靈帝晏駕

原將兵詣雒陽與何進謀誅諸黃門拜執金吾進敗董

卓卓入京都將為亂欲殺原并其兵衆卓以布見信於

原誘布令殺原布斬原首詣卓卓以布為騎都尉甚愛

信之誓為父子

魏令狐愚為兗州刺史與王陵謀立楚王彪時楊康單固皆豫之及愚先卒康乃發其事於司馬宣王冀得封拜後以辭頗參錯亦并斬臨刑俱出獄固罵康曰老奴汝死自分爾若令死者有知汝何面目以行於地下也王陵坐楚王事司馬宣王誅之其子明山走向太原投親家食親家告吏乃就執

蜀許邵為郡功曹先是從兄靖與邵俱知名有人倫盛

名私情不叶邵排擯靖不得齒叙

吳瓘融所為徐州牧陶謙督運及曹公攻陶謙徐土騷
動融將男女萬口馬三千匹走廣陵廣陵太守趙昱待
以賓禮先是彭城相薛禮為陶謙所偏屯秣陵融利廣
陵之衆因酒酣殺昱放兵大畧因載而去

媯覽戴員皆吳郡太守盛憲孝廉也大帝殺憲覽員亡
匿山中孫翊為丹陽皆禮致之覽為大都督督兵員為

郡丞及翊為左右邊洪所害孫河

河字伯海本姓俞孫
策賜姓孫列之屬籍

馳赴宛陵責怒覽員以不能全權令使奸變得施二人

議曰伯海與將軍疎遠而責我乃爾討虜若來吾屬無

遺矣遂殺河使人北迎揚州刺史劉馥令住歷陽以丹

陽應之會翊帳下徐元孫高傅嬰等殺覽員

吳歷曰媯覽戴員親

近邊洪等數為翊所困嘗欲叛
逆因吳主出征遂其奸計也

晉王如京兆人也遇亂流移至宛潛結諸無賴少年衆

至四五萬自號大將軍軍既敗歸于王敦敦從弟稜愛

如驍武請敦配已麾下敦曰此輩虓險難畜汝性忌急

不能容養更成禍端稜固請與之稜置諸左右甚加寵
遇如數與敦諸將角射屢鬪爭為過稜果不容而杖之
如甚以為恥初敦有不臣之迹稜每諫之敦嘗怒其異
已及敦聞如為稜所辱密使人激怒之勸令殺稜如詣
稜因間宴請舞劍為歡稜從之如於是舞刀為戲漸漸
來前稜惡而呵之不止叱左右使牽去如直前害稜敦
聞而陽驚亦捕如誅之

杜曾為竟陵太守先是胡亢聚眾竟陵自號楚公假曾

為太守曾既殺亢并其衆自稱南中郎將

前秦張猗為王充功曹充固守博陵與慕容垂相持垂遣將慕容麟攻充于博陵充糧竭矢盡猗踰城聚衆應麟充臨城數之曰卿秦之人也吾卿之君也起衆應賊號稱義兵何名實相悖之甚卿兄往合鄉宗親逐城主天地不容為世大戮身滅未幾卿復續之卿見為吾吏親尋干戈競為戎首為爾君者不亦難乎今人可取卿一切之功寧能忘卿不忠不孝之事古人有云求忠臣

必出孝子之門卿母在城不能顧之何忠義之可望惡不絕世卿之謂也不圖中州禮義之邦而卿門風若斯卿去老母如脫屣吾復何論哉既而城陷充及固安侯苻鑿竝為麟所殺

苻師好者纂之弟也苻登之討姚萇使蘭犢率衆數萬自潁陽人子和寧與苻纂首尾將圖長安師好勸其兄稱尊號纂不從乃殺纂自立為秦公蘭犢絕之皆為姚萇所敗

南齊劉祥初為臨川王驃騎從事中郎祥兄勅為廣州
卒官祥就勅妻求還資事聞朝廷

齊人姓周

史不
書名

陸超之門生也超之預晉安王議徐玄

慶欲囚將還都而超之亦端坐待命周謂殺超之當得
賞乃伺超之坐自後斬之頭墮而身不僵玄慶嘉其節
厚備殯斂周又助舉棺未出戶棺墜正壓其頭折死聞
之者莫不以為有天道焉

于琳之為晉安王子懋中兵參軍即子懋之母阮同產

弟也子懋鎮潯陽聞鄱陽隨郡二王見殺欲起兵赴難
母阮在都遣書欲密迎上阮阮報琳之為計琳之弟瑤
之馳告高宗高宗遣王廣之裴叔業與瑤之先襲潯陽
琳之說子懋重賂叔業子懋使琳之往琳之因說叔業
請取子懋叔業遣軍主徐玄慶將四百人隨琳之入州
城僚佐皆奔散琳之從二百人拔刃入齋子懋罵曰小
人何忍行此事琳之以袖鄣面使人害之

梁羊鴟為侯景庫真都督景以其妹為小妻及景敗鴟

密圖之乃隨其東走景於松江戰敗惟餘三舸下海欲
向蒙山會景晝寢鷓語海師此中何處有蒙山汝但聽
我處分遂直向京口至湖豆洲景覺大驚聞岸上云郭
元建猶在廣陵景大喜將依之鷓拔刀叱海師使向京
口鷓與王元禮謝答仁弟葳蕤竝景之昵也三人謂景
曰我等為王百戰百勝自謂無敵卒至於此豈非天乎
今就王乞頭以取富貴景欲透水鷓抽刀斫之景乃走
入船中以小刀抉船鷓以稍入刺殺之

後魏崔鍾為金紫光祿大夫兄敞亡後鍾貪其財物誣敞息子積等三人非兄之裔辭訴累歲人士嫉之爾朱世隆為尚書令奏除其官終身不齒

崔僧淵原妻房氏生二子伯麟伯驥後薄房氏更納平原杜氏僧淵之徒也與杜俱去生四子伯鳳伯龍伯螭伯蚪得還之後棄絕房氏遂與杜氏及四子家于青州伯驥與母房氏居于冀州雖往來父間而心存母氏孝慈之道頓阻一門僧淵卒年七十餘伯麟雖往奔赴不

敢入家哭沙門寺伯龍性剛躁父亡後與兄伯麟訟競
嫡庶竝以刀劔自衛若怨讎焉

崔模初事慕容氏後為宋滎陽太守太武神麴中滑臺
平模歸降始模在南妻張氏有二子仲智李柔模至京
師賜妻金氏生子幼度仲智等以父隔遠乃聚貨物間
託闕境規贖模歸其母張氏每謂之曰汝父性懷本自
無決必不能來也行人遂以財賄至都當竊模還模果
顧念幼度等指幼度謂行人曰吾何忍捨此輩令坐致

刑辱當為爾取一人使名位不減於我乃授以申謨謨
宋東郡太守與朱修之守滑臺神廡中被執入國俱得
賜妻生子靈度申謨聞此乃棄妻子走還江外靈度刑
為閹人

崔攸之者道固之兄也道固父輯為太山太守道固賤
出適母生攸之目連等輕侮之輯謂攸之曰此兒姿識
如此或能興人門戶汝等何以輕之攸之等遇之彌薄
畧無兄弟之禮時宋孝武帝為徐兗二州刺史得辟他

州民為從事輯乃資給道固令其往南既至彭城帝以
為從事會青州刺史新除過彭城帝謂之曰崔道固人
身如此豈可為寒士至老乎而世人以其偏庶便相陵
侮可為歎息青州刺史至州辟為主簿轉治中後為宋
文帝諸子參軍事被遣向青州募人長史已下皆詣道
固諸兄等逼道固所生母自致酒炙於客前道固驚起
接取謂客曰家無人力老親自執劬勞諸客皆知其兄
等所作咸起拜謝其母母謂道固曰我賤不足以報貴

賓汝宜答拜諸客皆歎美固母子賤其諸兄

穆壽太武時與崔浩等輔政遇諸父兄弟有如僕隸夫妻並共食而令諸父食餒餘其自矜無禮如此為時人所鄙笑

王建為左大夫建兄廻諸子多不順法建具以狀聞廻父子伏誅

李寶涼王暘孫也太武討沮渠無諱寶奉表歸誠累遷鎮北將軍李氏自初入魏人位兼舉因寶子冲寵遇遂

為當世盛門而仁義吉凶情禮淺薄期功之服殆無慘容至於窘乏不加拯濟識者以此貶之

陸定國娶河東柳氏生子安保後納范陽盧度世女生昕之二室俱為舊族而嫡妾不分定國亡後兩子爭襲父爵僕射李冲有寵於時與度世子泉婚親相好冲遂左右申助之繇是承爵尚主職位赫奕安保沈廢貧賤不免飢寒

寇彌為尚書郎為城陽王徽所親待孝莊永安末徽避

爾朱兆脫身南走歸命於彌彌不納遣人加害時論深責之

盧度世者散騎常侍玄之子也玄有五子嫡唯度世餘淵敏昶尚皆別生及度世為中書學生以崔浩之難其庶兄弟嘗欲危害之度世常深忿恨及度世有子每誡約令絕妾孽不得使長後患至淵兄弟婢賤生子雖形貌相類皆不舉接為識者所非

張彝為光祿大夫既貴大起第宅微號華侈頗侮其疎

宗舊戚不甚存紀時有怨憾焉

李靜齊州刺史元護之弟也為前將軍性甚貪忌兄亡未斂便剝脫諸妓服玩及餘財物

斛斯椿為車騎將軍恒州刺史及爾朱榮之死椿與爾朱度律仲遠等北拒齊獻武王次陽平會爾朱兆與度律等相疑遁還椿後復與度律等同拒義旗敗於韓陵椿謂都督賈顯智等曰若不先執爾朱我等死無類矣遂與顯智等夜於系下盟約倍道兼行椿入北中城收

爾朱部曲盡殺之令長孫稚賈顯智等率數百騎襲爾
朱世隆彥伯兄弟斬於閭闔門外椿入雒懸世隆兄弟
首於其門樹椿父出見謂椿曰汝與爾朱約為兄今何
忍懸其頭於門樹寧不愧負天地乎椿乃傳世隆等首
并囚度律天光於齊獻武王

馮穆為員外通直散騎常侍穆與叔輔興不和輔興亡
贈相州刺史祖載在庭而穆方高車良馬恭受職命言
宴滿堂忻笑自若為御史中丞東平王匡所劾

裴茂伯為廣平王文學與兄景融別居景融貧窘茂伯了無賑恤殆同行路世以此貶薄之

李洪之為秦益二州刺史洪之微時妻張氏助洪之經營資產自貧至貴多所補益有男女幾十人洪之後得劉氏劉芳從妹也洪之欽重而疎薄張氏為兩宅別居偏厚劉子繇是二妻妬競互相訟詛兩宅母子往來如讎及蒞西州以劉自隨

高遵字世禮渤海蓆人父濟陰太守遵賤出其兄矯等

嘗欺侮之及父亡不令在喪位遵為立忠將軍齊州刺史建節歷本州宗鄉改觀而矯等彌妬毀之遵為中書侍郎弟次文雖無官位而貲產巨萬遵每責其失而結憾於遵吉凶不相及時論責之

北齊陳元康為高祖相府功曹參軍時魏尚書僕射范陽盧道處女為右衛將軍郭瓊子婦瓊以死罪沒官高祖啓以賜元康為妻元康乃棄故婦李氏識者非之薛琚為尚書僕射久在省閤閑明簿領然天性險忌情

義不篤魏東平王元康妾張氏姪逸放恣淑初與姦通
後納以為婦咸共謗之逐前妻子氏不認其子怨家內
忿競相告列深為世所譏鄙

韋子粲字暉茂京兆人佐郡功曹史累遷為大行臺郎
中從爾朱天光平關右周武入關以為南汾州刺史神
武命將出討城陷子弟俱被獲送晉陽蒙放免以粲為
并州長史累遷豫州刺史卒初子粲兄弟十三人子姪
親屬闔門百口悉在西魏以子粲陷城不能死難多致

誅滅歸國獲存唯與弟道諧二人而已諧與榮俱入國
榮富之後遂特棄道諧令其異居所得廩祿畧不相及
其不顧恩義如此

李訢獻文帝時為湘州刺史以貪贖被告尚書李敷與
訢少長相好每左右之及訢就劾有司諷訢告敷隱罪
可得自全又趙郡范標具條列敷兄弟事狀有司以聞
敷坐得罪詔列訢貪冒罪應死以糾李敷兄弟故得降
免有司百鞭髡刑配為廝役後訢為太倉尚書亦信任

標腹心之事皆以告之標以無功起家拜盧奴令及明
太后臨朝標知后忿訢又知內外疾之會鎮南人告訢
外叛乃徵訢至京師言其叛狀訢曰無之引標證訢言
爾妄云知我吾又何名雖然爾不顧余之厚德而忍為
此不仁甚矣標曰何若李敷之德於公公昔忍於敷標
今敢不忍於公乎遂見誅

楊寬邯鄲人也楊愔父津為并州刺史北道大行臺愔
隨之任寬求義從出藩愔請津納之俄而孝莊幽歿愔

時適欲還都行達邯鄲過楊寬家為寬所執至湘州見
刺史劉誕以悞名家盛德甚相嗟念付長史慕容白澤
禁止焉

元景安永之子也永兄杜襲爵陳留王杜卒子景皓嗣
天保時諸元帝室親近者多被誅戮疏宗如景安之徒
議欲請姓高氏景皓云豈得棄本宗逐他姓大丈夫寧
可玉碎不能瓦全景安遂以此言白顯祖乃收景皓誅
之家屬徙彭城縣是景安獨賜姓高氏自外聽從本姓

永弟种子豫字景豫美姿儀有器幹為濮陽郡守魏彭
城王韶出鎮定州啓為定州司馬及景安告景皓慢言
引豫云相應和豫占云爾時以衣袖掩景皓口云兄莫
妄言及問景皓與豫所列符同獲免自外同聞語者數
人皆流配遠方豫卒於徐州刺史

後周司馬消難高祖時為大將軍性貪淫輕於去就故
世之言反覆者皆引消難云其妻高氏齊神武之女在
鄴敬重之後入關便相棄薄消難之赴邳州留高及三

子在京高言於隋文曰滎陽公性多變詐今以新寵自
隨必不顧妻子願防慮之消難入陳而高母子因此獲
免

隋李安字玄德高祖相周引之左右遷職方中大夫復
拜安弟哲為儀同安叔父梁州刺史璋時在京師與周
趙王謀害高祖誘哲為內應哲謂安曰隨之則不忠言
之則不義失忠與義何以立身安曰丞相父也其可背
之遂陰白之及王等伏誅將加官賞安頓首而言曰兄

弟無汗馬之勞過蒙獎擢合門竭節無以酬謝不意叔父無狀為兇黨之所熒惑覆宗絕嗣其甘若薺蒙全首領為幸實多豈可將叔父之命以求官賞於是俯伏流涕悲不自勝高祖為之改容曰我為汝特存璋子乃命有司罪璋正身高祖亦為安隱其事而不言尋授安開府

唐邴元真為李密右長史高祖武德元年密將入雒口倉城元真已遣人潛引王世充密陰知之不發其事欲

待世充兵半渡雒水然後擊之及世充軍至密候騎不
時覺比將出戰世充軍已濟矣密自度不能支引騎而
遁徑赴武牢元真竟以城降於世充

鄧曉武德初為李軌尚書左丞使長安聞軌敗舞蹈稱
慶高祖曰汝委質於人為使來此聞軌淪陷曾無戚容
苟悅朕情妄為慶躍既不能留心於李軌何能盡節於
朕乎曉無以對

丘行恭為左衛將軍貞觀中坐與嫡兄爭葬所生母為

法司所劾除名

趙履溫為易州刺史履溫即侍中桓彥範妻兄也彥範
誅張易之後奏言先與履溫謀其事於是召拜司農少
卿履溫德之遂以二婢遺彥範及彥範罷知政事履溫
又脅奪其婢大為時論所譏焉

房孺復太尉瑄之子為浙西從事初娶鄭氏惡賤其妻
多畜婢僕妻之保母亟言之孺復乃先具棺槨而集家
人生斂保母遠近驚異及妻在產蓐未三日遽令上船

即路數日妻遇風而卒孺復以宰相子少年有浮名而
姦惡未甚露累拜杭州刺史

韓暉尚書右丞臯之從弟也臯恃前輩頗以簡倨自處
順宗時王叔文黨盛臯嫉之謂人曰吾不能事新貴暉
幸於叔文以告之因出為鄂州刺史岳鄂蘄沔等州觀
察使

梁朱瑾為兗州節度使乾寧二年春太祖令大將朱友
恭攻瑾瑾掘塹柵以環之朱瑄遣將賀環及蕃將何懷

寶赴援為友恭所擒十一月瑾從兄齊州刺史瓊以州
降太祖令執賀環懷寶及瓊狗於城下謂瑾曰卿兄已
敗早宜效順瑾偽遣牙將胡規持書幣送降太祖自至
延壽門外與瑾交語瑾謂太祖曰欲令大將送符印願
得兄瓊來押領所貴骨肉盡布腹心也太祖遣瓊與客
將劉捍取符印瑾單馬立于橋上揮手謂捍曰可令兄
來余有密款即令瓊往瑾先令驍果董懷進伏于橋下
及瓊至懷進突出擒瓊而入俄而斬瓊首投於城外太

祖乃班師

王珂河中人父重榮河中節度使唐僖宗光啓三年重榮為部將常行儒所害推重榮弟重盈為蒲帥以珂為行軍司馬及重盈卒軍府推珂為留後時重盈子琪為陝州節度使瑤為絳州刺史繇是爭為蒲帥瑤琪連上章論列又與太祖書云珂非吾兄弟蓋余家之蒼頭也小字忠兒安得繼嗣珂亦上章云亡父有興復之功又遣使求援於太原李克用為保薦於朝昭宗可之既而

珙厚結王行瑜李茂貞韓建為援三鎮互相表薦昭宗
詔諭之曰吾以太原與重榮有再奏之功已俞其奏矣
乾寧二年五月三鎮率兵入覲賊害時政請以河中授
珙瑤又連兵以攻河中克用聞之出師以討三鎮瑤珙
兵退晉師拔絳州擒瑤斬之及克用駐軍於渭北昭宗
以珂為河中節度使正授旄鉞克用因以女妻珂珂至
太原謝婚成禮克用令李嗣昭將兵助珂攻珙於陝馬
馬希聲湖南節度楚王殷之次子也殷初薨長子希振

次當嗣立時希聲以先為副使方握權私遣其大將歐
宏練矯父命請立為帥乃自稱留後

後唐劉守文為滄州節度唐天祐六年五月守文為其
弟守光敗於薊州之雞蘇守文為弟所擒歸幽州初劉
仁恭輦幽府積實營大安山以自固會汴人攻其城守
光堅守之因自為幽帥囚仁恭于大安別室守文素蓄
奸謀志大才短利燕薊之土疆乃令子延祐質於汴自
將兵討守光以迎父為名頻年出軍不利至是大舉以

重賂誘契丹吐渾之衆合四萬屯薊州運滄景芻粟海
船而下以給軍費及大戰守光之兵敗也守文詐慈單
馬立于陣場泣諭於衆曰勿殺吾弟為守光將元行欽
識之見擒滄州失帥自潰守光復繫兄於別室援以叢
棘滄州兵敗守光乃進攻滄州滄州賓佐孫鶴呂充以
推守文之子延祚為滄州帥守光攜守文於城下攻圍
累月城中乏食人餓殍軍士食人百姓食堊土驢馬相
遇食其鬃士人出入多為强者屠殺呂充率城中饑羸

丁口以麩麩飼之團為宰殺務旋烹以充軍食危酷之
狀遠古未聞延祚力窮以城降守光守光以其子繼威
為滄帥大將張邁進佐之守光既得志父兄雖結託於
我而以狀告梁祖曰臣守光諤叨戎寄向受國恩既有
血誠合宜披訴伏自陛下初登寶位纔建皇基四方尚
擾於干戈諸道未賓於聲教唯臣不勞兵刃不俟詔書
便貢表章率先歸款致令河北一面晏然無虞其後又
以河東結構邠岐朋附淮蜀久稽天討屢軫宸襟臣又

密設機謀指揮夏侯敬受已下令翻賊寨遣向朝廷鑿
輿纜至於陝郊兵騎悉歸於行在使兇渠北遁致翠輦
東歸獲立微勞稍寬聖慮其於向國粗竭丹誠昨者兄
守文遽於明時擅興兵革堅貯吞并之志全無友愛之
情誑惑宸聰即言迎侍勾牽戎虜元逞他圖兄之行藏
臣實所諳悉當於此際備見狡謀必知要當道之土疆
為朝廷之患害累曾申奏莫不丁寧今者既破賊軍足
以細驗前事昨於陣上所殺契丹兵馬絕多及寨內收

得契丹與往來文字不少今又捉得自來與臣兄謀事
人道士褚玄嗣學院使鄭緒等皆言兄本計謀極大妄
動絕深不唯窺取其一方實亦將圖於大事苟非臣親
當戰陣手執干戈大掃羣兇生擒戎首則滄州得志蕃
衆轉狂合勢連衡為患非細固不是臣自矜小捷妄有
飾詞其褚玄嗣等分析文狀謹同封進其褚玄嗣文狀
多述守文結構說誘幽州將士及會契丹窺筭幽州城
池皆是自相魚肉又言如守文得志必謀亂中原以迎

侍為名實欲并吞燕薊又滄州鼓角門東有誓衆碑一
所其辭願破梁國却興唐朝及見幽州歸向朝廷遂拆
却碑樓其碑坑於樓下文字見在又守文所遣男延祐
入質不是親兒又守文令褚玄嗣將琉璃水精金銀等
器錦綵與契丹將領約取幽州後別圖富貴其契丹少
君遂差使還書願與守文勅命守文乃言得契丹下大
夫所贊也梁祖覽之大噓守光復置書於莊宗言同破
偽梁事

李大喜幽帥劉守光之愛將雖守光先淫出於天性然而稔惡侈毒多為大喜贊成燕城將破前一日踰垣請罪莊宗宥之至守光之將伏鎖泣而訴曰臣死無恨教臣為惡不早歸向者繇小喜熒惑故也罪人不死臣必訴於地下急召小喜至小喜瞋目睨守光曰囚父殺兄烝淫骨肉亦小喜教耶守光大慙帝怒其失舊君之節即命斬之

王緘先事幽州劉仁恭後歸莊宗及從征幽州既獲仁

恭父子莊宗命緘為露布觀其旨趣緘既起草無所辭
避義士以此少之

張文禮者鎮州之大將大為趙王王鎔倚任文禮見鎔
之政荒僻嘗蓄異圖酒酣之後對左右每惡言聞者莫
不寒心唯鎔待之如初畧無猜間及獻言者漸為腹心
乃以符習代其行營以文禮為防城使自此專其間隙
及鎔殺李宏規委政於其子昭祚昭祚性偏戾未識人
間情偽素養名持重坐作貴人既事權在手朝夕欲代

其父向來附勢之徒無不族滅初李宏規李藹持權使
事樹立兄弟子姪及諸親舊分董要職故奸宄之心不
能搖動文禮頗深畏憚及宏規見殺其部下五百人懼
罪將欲奔竄聚泣偶語未有所之文禮因其離心密以
奸詞激之曰令公命我盡坑爾曹我念爾曹十餘年荷
戈隨我為國為家不忍一朝併膏鋒刃我若不即殺汝
則得罪於令公我若不言又負爾輩事既如斯其將柰
何衆軍感泣是夜作亂殺王鎔父子舉族灰滅唯留王

昭祚妻朱氏以通汴人尋間道告曰王氏喪於亂軍普
寧公主無恙文禮徇賊帥張友順所請因為留後於潭
城視事以事上聞兼要旄節亦奉牋勸進上含容之可
其請文禮比廝役小人偶居重任行步動息皆不自安
出則千餘人露刃相隨賊殺不辜莫可勝載自度罪逆
難容尚慮王師問罪奸心百變或陳情梁汴託援契丹
多脩絹書藏於蠟彈塞上烽鋪黃河渡口往往擒獲其
使莊宗遣人送還繇是愈切慙恐先是腹上患疽醫藥

無効聞史建瑋下趙州驚愕而卒其子處瑾秘喪軍府
內外皆不之知每日於寢室前問安如生處瑾與其腹
心韓正時參決大事同謀姦惡

溫韜初事梁為許州節度使累官至檢校太尉平章事
韜素善趙巖每依附之莊宗入汴巖恃韜與已素厚遂
奔許州韜延之於第斬首傳送闕下

李繼儔潞州節度嗣昭之子也初嗣昭死其子繼韜以
州叛及繼韜伏誅之後詔其兄繼儔赴闕時繼儔權知

軍府繼韜房中所畜婢僕玩好之類悉為已有每日於其房中料選妓妾筭較財物遷延不時上路其弟繼達怒謂人曰吾仲兄被罪父子誅死骨肉之情自然傷痛大兄不仁樂禍畧無慟懷二弟併命言音尚在而使姦淫妻妾詰責貨財慙恥見人生不如死繼達服縗麻引數百騎坐於戟門呼曰為我反乎即令人斬繼儔首投於戟門之內繼達弟繼珂聞其亂也募市人千餘攻于城門繼達登城樓知事不濟啟于城東門至其私第盡

殺其孥得百餘騎出潞城門將奔契丹行不十里麾下
奔潰自剄於路隅其下小校薛萬金率衆歸於闕下

李繼忠初為北京皇城使明宗天成三年十月繼忠弟
姪三人進馬二百五匹金器八百兩銀萬兩家機錦百
疋白羅三百疋綾三千疋絹三千疋繼忠者故昭義帥
嗣昭之子少有心疾其母楊夫人自潞州積聚百萬輦
於并州私第繼韜之叛沒之于官莊宗南郊助大半賞
給兄繼韜伏法其母又輦及晉者餘百兩楊氏卒其弟

相州刺史繼能潞府司馬繼襲聞哀俱至繼忠等詣官
告變繼能繼襲伏法弟姪遂得分其所聚故有獻

聶嶼明宗時為起居舍人嶼早依郭崇韜門庭致身朱
紫名登兩史浙江使迴生涯巨萬嶼為河東節判時郭
氏次子之婦孀居於家嶼喪偶未久復忍而納幣人皆
罪之明宗在藩邸時素聞其醜聲天成中與溫韜等同
詔賜死

晉秘瓊初仕後唐為董溫琪衛內指揮使倚以腹心及

溫琪為幽州連帥趙德鈞所奏同赴太原之役軍敗沒
蕃瓊乃害溫琪之家載其屍都以一坎瘞之溫琪在任
貪暴積鏹巨萬瓊悉輦之以藏其家遂自稱留後

李彝殷為夏州節度使天福末奏衛內指揮拓拔崇斌
等五人作亂當時收擒處斬訖相次綏州刺史李彝敏
擅將兵士直抵城門尋差人掩殺彝敏知事不濟與弟
五人將家南走詔李彝敏潛結光黨顯恣逆謀骨肉之
間尚興屠害炤臨之內難以含容送夏州處斬

李鱗初入恒山謁要人李宏規以宗姓請兄事之繇是
得進趙王王鎔辟為從事鎔卒復為王德明賓客德明
使鱗聘於唐莊宗鱗密疏德明之罪且言可圖之狀莊
宗嘉之及恒山平以鱗為霸府支使嘗從容請於莊宗
曰鱗有四子請誅之莊宗問其故對曰此輩生於恒山
稟悖亂之氣不可留也莊宗笑而止

漢馬希萼湖南節度希範弟希廣之庶兄希範卒大將
等立其母弟希廣繼位希萼自桂州為朗帥而怒希廣

擅命始構參商之際漢高祖乾祐中希廣希萼交訴於
朝廷累降詔命和解之而潛佑希廣於是希萼怨望乃
依附淮夷未幾率朗人及溪洞羣蠻再攻長沙陷希廣及其妻皆
所敗三年希萼大合羣蠻再攻長沙陷希廣及其妻皆
杖死於市左右用事者皆齧割而死希萼自號楚王武
安軍節度使

周王繼宏在晉為奉國指揮使虜陷中原從虜主至相
州遂令以本軍戍守虜主留高唐英為相州節度使唐

英善待繼宏每候其第則升堂拜繼宏之母贈遺甚厚
倚若戚親又給與兵仗略無猜忌會虜主死漢祖赴維
唐英遣使歸漢漢祖大悅將厚待唐英使未迴繼宏與
指揮使樊暉等共殺唐英繼宏自稱留後令判官張易
奉表于漢祖人或責以見利忘義繼宏曰吾儕小人也
若不因利乘便以求富貴畢世以來未可得志也及漢
祖討杜重威至德清軍繼宏來朝乃授節旄

冊府元龜卷九百四十三